

江氏音學十書

等韵叢說

陸韵部分至繁然同類者或蕩析離居異類者或馬牛  
莫別愚想當時定韵者八人劉臻家沛顏之推家臨沂  
盧思道家范陽李若家頓丘蕭該家蘭陵辛德源家狄  
道薛道衡家河東陸法言家臨潼南北旣殊遂各守其  
鄉音不能畫一又當時定於燭下而諸人旋散去法言  
參考眾說而不敢輒合故各自爲部觀其自叙所云交  
遊阻絕質問無從生死路殊空懷可作蓋嘆其不能復  
得諸人校定以歸於一也可見當時編韵之人實未慚  
心自唐時頒爲官韵遂無能議其得失然核以古音實

爲錯亂乖離而入聲尤無條理此顧氏唐韵正一書所爲振古絕作也

陸韵分合已疎而唐人定爲同用獨用尤爲訛謬支脂之三韵皆寬不應同用虞三等模一等不應同用元三等魂痕一等敍侈迥別且元韵寬不當與魂痕同用先韵寬不應與僊同用庚耕音大青青音細清當與青同用不當與庚耕同用尤三等侯一等不應同用祭無平上不應與霽同用夬無平上不應與卦怪同用沃一等豪通尤之入燭三等虞通侯之入不應同用月三等廢之入沒一等灰之入不應同用薛爲祭之入無平上不

應與屑同用陌麥音大昔音細敎侈迴別不應全用然  
猶存法言原本也至劉韵并而法言撰韵之旨益亂愚  
嘗曰唐韵定而古韵亡劉韵并而唐韵沒

釋神珙五音圖

正反居隆宮言居隆切乃宮字也到反宮間居言宮間  
切乃居字也正疊韵居間言居與間皆魚韵字也傍疊  
韵宮隆言宮與隆皆東韵字也正到雙聲居宮言居與  
宮皆同見母也傍到雙聲間隆言間與隆皆同來母也  
後四圖倣此

正紐眞整正隻四聲順數也傍紐眞征顛之同一照母

下一字傍行也。疊韻眞盈之怡以眞盈疊韻之怡疊韻又眞之同母盈怡同母也。羅文眞軫顛職平上順行去入轉紐也。綺錯眞正質折志旨刷不循四聲之常而互相交錯也。傍韻眞引征以言眞引切爲軫字征以切爲止字也。正韻眞寅之怡言眞寅切仍是眞字之怡切仍是之字也。雙聲眞整眞旨言眞寅切仍是整字眞旨切仍是旨字也。反音眞之寅反言之寅反爲眞字也。後七圖倣此。

以上二圖載玉篇之末。初學未易明也。故詳注之前人所立三十六母偶取一字爲例。卽一字可該四等。

開合之音見溪羣疑定泥知徹澄孃竝明非敷奉微精  
清從心邪照穿審禪曉影喻日細音也舉細可以該粗  
端透邦滂牀匣來粗音也舉粗可以該細開口合口亦  
同此例昧者或從而增減之誤矣

官音呼影母粗音不誤呼疑母粗音似影之濁歛音呼  
疑母粗音不誤呼影母粗音似疑之清其互相訛混如  
此

影母合口與微母相類要知微母是輕脣須兩脣相着  
而喉不用力影母合口則用力在喉特兩脣微聚而已  
影喻細音最難而合口尤難讀此音者須齒舌不動乃

能別于半齒

吾歛方音出於鄉者十誤二三出于城者十誤四五蓋鄉音遠古相承無他方之語雜之故多得其正城中間雜官音官音之正者不知學其不正者多學之矣牙之疑喉之曉匣歛西方音得之爲多昔人謂禮失當求諸野余於音學亦云

入之屋沃燭曷末亦惟歛西讀之爲合

七音十類中牙之細音多混于舌上泥之細音多混于孃邪盡混于從牀禪互相訛混曉匣之細音多混于審禪影喻之細音多混于半齒惟粗音則誤者少不誤者多

辨七音十類粗細

一二等爲粗音  
三四等爲細音

牙音

見溪羣疑

粗音舌抵牙齦

細音舌抵牙尖

四母惟見溪粗音不誤疑母粗音官音誤歛音不誤

四母細音惟鳩毳二音間或不誤其餘無不誤讀者

上爲齒下爲牙讀此四音必令舌抵下牙則正矣

舌頭

端透定泥

粗音舌尖擊齦

細音舌頭擊齦

四母惟泥母細音與孃混其餘俱不誤

舌上

知徹澄孃

粗音舌抵前齦

細音舌抵中齦

重脣

邦滂並明

粗音在兩脣外

細音在兩脣內

輕脣

非敷奉微

無粗音



齒頭

精清從心邪

粗音舌抵上齦

細音舌抵齒尖

五母惟邪母盡誤蔽由於不知爲些之陰平而讀如前與牆以致與從母無別內惟隨字一音不誤

正齒

照穿牀審禪

音在齒牙之間而氣觸正齒

五母惟牀禪互相訛混要知牀爲瘡之陰平禪爲羶之陰平則無誤矣 禪母音亦有混入澄母者

喉音

曉匣影喻

粗音在舌根之上

細音在舌根之下

四母惟曉匣一等音不誤二三等音多混入審禪影母粗音歛音誤官音不誤影喻細音多混入半齒呼此四母音必令齒舌不動則得矣

半舌來粗音舌尖微擊齶細音舌頭微擊齶

半齒日無粗音

此母惟而耳二等音混入半舌餘俱不誤

辨字母訛讀

審音先正字母字母讀訛則一母之音盡誤故特取訛讀字列出其所注音切不盡遵古者古人取上一字或以平轉仄以仄轉平初學難曉今一用本音而本音又取官音方音不誤者

見幹電切呼溪枯奚切呼羣羣云切呼如醺誤毬字

疑俄其切呼如怡尼並誤俄字歛歛音分明官音呼如儔誤疑字

音分明官音呼如何之陰平誤泥如奴奚切呼竝音近

牝呼如湧鋪郎切呼邪隨遮切呼如牀狀平聲呼如禪柄談如翕誤殊連切呼曉如火了切呼匣合甲切歛音分明如屋誤如少誤喻旺遇切呼歛人呼作牙音誤如孺誤

三十六母之外尙有十四位無字之音見端知邦非精照七母有清無濁疑泥孃明微來日七母有濁無清然俗音每混入無字之位如官音呼道字似端之濁歛人呼巫字似微之清呼媽字似明之清呼奶字似泥之清妹字則清濁並呼是亦審音者所宜知也

辨字母清濁與發送收清爲陽濁爲陰

昔人所立三十六母雜取平上去入粗細開合之音

其清濁與發送收初學未易明也今專取文清蒸韵  
中開口細音註于其下學者于字母若未能了先將  
此三十六字熟讀必當豁然而悟不取粗音者以羣  
非敷奉微邪禪喻日九母無粗音字也 牙舌脣齒  
每類各有六音三清三濁前二爲發聲中二爲送氣  
末二爲收聲家脊齋以心邪審禪爲別起別收非也  
牙舌脣當第五位有音無字齒音第五位有其字耳  
喉音止四聲無送氣 來日二母舊列在喉音後  
今移在舌頭正齒之後者來爲泥之餘日爲禪之餘  
以便讀也 舊立三十六母無字之音不列今立五

十母無字者以黑圈代之

牙音六

發

見京清

送

溪卿清

收

○清

聲

○濁

氣

羣鯨濁

聲

疑迎濁

舌頭音六

發

端丁清

送

透汀清

收

○清

聲

○濁

氣

定廷濁

聲

泥寧濁

半舌音二

泥母之餘

○清

來靈濁

舌上音六

發

知貞清

送

微類清

收

○清

聲

○濁

氣

澄呈濁

聲

娘勅濁  
女陳切

重唇音六

發

邦兵清

送

濁耕清

收

○清

聲

○濁

氣

並平濁

聲

明鳴濁

輕唇音六

發

非分清

送

敷芬清

收

○清

聲

○濁

氣

奉汾濁

聲

微文濁

齒頭音六

發

精精清

送

精清清

收

心星清

聲

○濁

氣

從情

聲

○濁

正齒音六

發

照征清

送

穿稱清

散

○濁

聲

○濁

氣

牀乘濁

聲

○濁

半齒音二

禪母  
之餘

○清

日仍

喉音四

發

曉聲清

收

影聲清

聲

匣形濁

聲

喻聲濁

毛先舒謂反切一法其事甚捷如者與為諸者焉為旃

參以字母之學反滋煩紆謬哉言也七音之所以不紊者正賴字母以明也否則牙必混喉齒必混舌而人各以意爲翻切俗音之訛無以正矣戴氏等韵最深乃載其說於聲類考又謂學者但當講求雙聲不必言字母誤矣



石臞先生書

壬午冬月

奉手書比卽裁函奉覆未審有當高

有新知敢再臚陳管見望先生賜教焉古韵一  
日幾如日麗中天矣然四聲一說尙無定論顧  
氏謂古人四聲一貫又謂入爲閏聲陳季立謂古無四  
聲江春齋申明其說者不一而足然所撰古韵標準仍  
分平上去入四卷則亦未有定見段氏謂古有平上入  
而無去孔氏謂古有平上去而無入有誥初見亦謂古  
無四聲說載初刻凡例至今反復紬繹始知古人實有  
四聲特古人所讀之聲與後人不同陸氏編韵時不能

審明古訓特就當時之聲誤爲分析有古平而誤收入上聲者如享饗頸頸等字是也有古平而誤收入去聲者如訟化震患等字是也有古上而誤收入平聲者如偕字是也有古上而誤收入去聲者如狩字是也有一字平上兩音而僅收入上聲者如急字是也有一字平上兩音而僅收入平聲者如愆字是也有一字平去兩音而僅收入去聲者如信字是也有一字平去兩音而僅收入平聲者如居字是也有一字上去兩音而僅收入上聲者如喜字是也有一字上去兩音而僅收入去聲者如顧字是也有一字去入兩音而僅收入去聲者

如意字是也有一字去入兩音而僅收入入聲者如得  
字是也有一字平上去三音而遺其上去者如時字是  
也有一字平去入三音而遺其去入者如來字是也有  
一字上去入三音而遺其上入者如至字是也有一字  
平上去三音而遺其平聲者如上字是也有一字平上  
去三音而遺其平去者如靜字是也偶舉一以見例其  
餘不可枚數有誥因此撰成唐韵四聲正一書倣唐韵  
正之例每一字大書其上博采三代兩漢之文分注其  
下使知四聲之說非創于周沈其中間有四聲通押者  
如詩經揚之水之皓上繡去鵲入憂平大東之來去服

入裘平試去易遯象傳之裁平志憊事去否上疑平楚

詞九辨六之鑿入教去樂入高平此亦如二十一部之

分瞭然不紊而亦閒有通用合用者不得泥此以窒其餘也其四聲具備者七部曰之曰幽曰宵曰侯曰魚曰支曰脂有平上去而無入者七部曰歌曰元曰文曰耕曰陽曰東曰談有平上而無去入者一部曰侵有平去而無上入者一部曰眞有去入而無平上者一部曰祭有平聲而無上去入者二部曰中曰蒸有入聲而無平上去者二部曰葉曰緝一以三代兩漢之音爲準晉宋以後遷變之音不得而疑惑之于此悟古無四聲之說

爲拾人牙慧而古人學與年俱進之說誠不誣也其中  
有唐韵本不誤而集韵誤采者則不復致辨如館字本無上聲唐韵上聲不收集韵收之今鄙見如此未審先生以爲然人幾不知館字爲去聲矣  
否仍望誨正而賜示焉則幸甚幸甚有誥再拜

石臞先生復書

癸未三月

接奉手札謂古人實有四聲特與後人不同陸氏依當時之聲誤爲分析特撰唐韵四聲正一書與鄙見幾如桴鼓相應益不覺狂喜顧氏四聲一貫之說念孫向不以爲然故所編古韵如札內所舉顙饗化信等字皆在平聲偕茂等字皆在上聲館字亦在去聲其他指不勝

屈大約皆與尊見相符至字則上聲不收惟收去入爲小異耳其侵談二部仍有分配未確之處故至今未敢付梓旣與尊書大畧相同則鄙箸雖不刻可也足下富於春秋敏而好學日進无疆不能測其所至念孫日西方莫恐不及見大箸之成矣手戰書不成字可勝慙悚念孫再拜

祁門縣學錢老師來書

老師江蘇嘉定人  
辛楣先生令孫

後學錢師康頓首上晉三先生閣下奉示大箸唐韵四聲正敬讀一過延證明確自得此書而古人有韵之文幾於四通八達無一窒礙之處曷勝欽佩內尙有一二未及引證處如頌者容也姓者生也福者備也祝誦卽祝融儀禮疑立之疑讀入聲此類皆當補錄因客中攜書甚少未及徧檢茲將大箸奉繳乞管收並問起居不備又七月二十一日

時道光甲申

唐韵四聲正

上平聲

五支

規 居隋切按古有去聲當與寘部並收

揚雄校獵賦豐茂世之規與帝至叶三國志魏文帝

誅文勲命視規與地柴 音帝叶

六脂

夷 以脂切按古有上聲當與旨部並收

劉向九嘆惜賢幼荃蕙與辛夷與美死叶馮衍顯志

賦搆木蘭與新夷與美叶靜女三章自牧歸荑夷从



夷聲與美叶

資 卽夷切按古有去聲當與至部並收

易旅九二懷其資與次叶文子精誠篇以萬物爲資  
與貴配叶

七之

時 市之切按古有上去二聲當與止志二部並收

詩魚麗六章物其時矣與有叶文王一章上帝不時  
與右叶生民八章胡臭亶時與祀悔叶行葦五章威  
儀孔時與子叶靈樞五變篇先立其年以知其時與  
起始叶易林困之小畜功德俟時與子叶兌之蹇乃

今逢時與喜叶損之益膏澤應時與喜叶逸周書小  
明武解以順天時與道通韵艮之家人山作天時與  
口處借韵古樂府滿歌行居代幾時與喜叶參同契  
姤女黃芽章觀夫雌雄交媾之時與改叶魏王粲七  
釋不以身後時與理叶越絕書計倪內經朝夕既有  
時與起駭叶

以上  
上聲

詩賓之初筵二章以奏爾時與能又叶蕩七章匪上  
帝不時與舊叶管子四時篇國有四時與事叶離騷  
吾獨窮困乎此時也與態叶說苑辨物篇離其時與

異叶

以上  
去聲

疑語其切按古有去入二聲當與志職二部並收

易小畜象傳有所疑也與富載叶損象傳三則疑也  
與志喜叶升象傳无所疑也與喜事叶兌象傳行未  
疑也與志叶管子七臣七主篇芒主通人情以質疑  
與事植叶史記扁鵲倉公傳贊入朝見疑與省合韵  
以上  
去聲

書洪範明用稽疑與德福韵詩桑柔三章靡所止疑

毛傳疑定也音魚陟反

以上入聲

緇側持切按古有上聲當與止部並收

漢書叙傳王貢龔鮑贊涅而不緇與仕叶張衡東京

賦黑丹石緇與趾紀叶蔡邕陳仲弓銘涅而不緇與  
否耻叶

司 息茲切按古有去入二聲當與志職二部並收

漢書敘傳匡張孔馬贊困于二司與嫖疾叶班固西  
都賦各有典司與寺叶蔡邕文恭侯胡公碑頌式是  
百司與事植叶魏麋元譏許由文修攝君司與志事  
叶鬼谷子反應篇進退左右以是司之與道事通韵  
以上  
去聲

大戴哀公問五義篇若天之司與職叶

期 渠之切按古有上去二聲當與止志二部並收

楚詞九章悲回風伴張弛之信期與止右叶易林震  
之履不見邪期與子紿叶樂府滿歌行得保遐期與  
喜叶隸釋淳于長夏承碑天挺應期與軌子通韵上  
聲上

楚詞九章抽思曰黃昏以爲期與志叶孫武子九地  
篇微與之期與事叶淮南天文訓星辰者天之期也  
與使忌叶要畧篇發號施令以時教期與忌事叶上  
去聲

辭似茲切按古有去聲當與志部並收

老子養身篇萬物作焉而不辭與事教合韵任成篇

萬物恃之以生而不辭與右叶荀子成相二章舜不  
辭與事備叶文子九守篇憎死而不辭也與事喜叶  
嘻許其切按古有上聲當與止部並收

易林賁之頤雄哺嘻嘻與鯉叶屯之晉烏鵲嘻嘻與  
起后借韵

### 八微

威於非切按古有上聲當與尾部並收

詩雨無正一章昊天疾威與舉叶巧言一章昊天已  
威與罪叶易林旅之鼎貶損我威與尾叶  
歸舉韋切按古有去聲當與未部並收

說苑說叢篇道之所在天下歸之與愛畏叶易林歸  
妹之訟失利而歸與帶戾通韵論語饋孔子豚齊人  
饋女樂俱作歸

九魚

居 九魚切按古有去聲當與御部並收

詩鵲巢一章惟鳩居之與御叶蟋蟀一章職思其居  
與暮除叶羔裘一章自我人居居與故叶葛生三章  
歸于其居與夜叶易褊卦傳屯見而不失其居與著  
叶書洪範相協厥居與敘叶楚詞招魂反故居些與  
絡叶又與賦故叶老子養身篇功成而不居與去叶

管子白心篇不可常居也與舍度叶莊子山木篇道  
流而不明居與處叶知北游篇道將爲汝居與舍故  
叶逸周書柔武解盤遊安居與落音路叶孫武子九地  
篇易其居與慮叶文子道原篇道將爲汝居與度舍  
叶韋元成誡子孫詩畏不此居與懼叶揚雄衛尉箴  
崇高其居與禦叶將作大匠箴民有宅居與去叶淮  
南精神訓虛無者道之所居也與宅音度叶易林屯之  
比飽歸其居與舍故叶師之困君安其居與舍叶小  
畜之同人主君失居與步舍叶小畜之節衛侯失居  
與距舍叶賁之萃民安其居與舍叶晉之屯失其安



居與懼叶家人之晉水壞我居與夏叶升之咸日月  
不居與舍霸叶困之小畜王迹所居與緒叶革之噬  
嗑深亡吉居與夜誤叶鼎之噬嗑昭君喪居與步舍  
叶節之鼎棄其安居與懼叶節之未濟寡宿獨居與  
步叶小過之大畜陰淫所居與度稼叶小畜之震門  
戶之居與舍叶小畜之中孚不安其居與怒叶未濟  
之否鬼魅之居與舍叶井之復大人失居與晝據通  
韵屯之泰不能自居與處倒合韵賁首民安其居與  
暴舍合韵訟之離不如止居與事借韵否之同人不  
可以居與怪去借韵同人之坤飽歸止居與悔借韵

大壯之小畜秦失嘉居與怪祐借韵晉之屯失其安  
居與怪懼借韵睽之同人下流難居與態富借韵師  
之大過拱手安居與就賦借韵恒之大過宜利止居  
與報借韵小過之中孚不安其居與怒得借韵班彪  
北征賦君不居兮與懼叶張衡西京賦遞宿迭居與  
御處叶

車 九魚切按古有去聲當與御部並收

禮記禮運天子以德爲車與御叶易林艮之夬驥窮  
鹽車與御叶豫之震來詣我車與孺遇叶文子道原  
篇以地爲車與慮御叶

予 以諸切我也按古訓我之義多讀上聲

詩墓門二章顛倒思予與顧叶鴟鴞二章或敢侮予  
與土戶叶正月九章將伯助予與雨輔叶谷風一章  
女轉棄予與雨女叶四月一章胡寧忍予與夏暑叶  
書五子之歌一能勝予與下圖音土叶楚詞離騷申申  
其詈予與野叶詔西皇使涉予與與叶九歌湘夫人  
目眇眇兮愁予與渚下叶少司命芳菲兮襲予與下  
苦叶河伯魚鱗鱗兮媵予與下浦叶山鬼歲既晏兮  
孰華予與下雨叶淮南人間訓廷殺宰予與楚後通  
韻班固幽通賦昆爲寇而喪予與寡禦叶後漢書張

衡傳擢龍舟以濟予與渚佇叶曹植蟬賦懼草蟲之  
襲予與罟字叶嵇康大師箴懼若在于與字禹叶王  
逸九思疾世雖鵠鳴兮聒予與謏取通韵按訓我之義惟楚詞  
遠遊排闥闔而望予與居都  
叶讀平聲餘無讀平聲者  
祛九魚切按古有去聲當與御部並收

詩遵大路一章摻執子之祛兮與路惡叶羔裘一章  
羔裘豹祛與居音倨故叶宋玉登徒子好色賦遵大路  
兮攬子祛與妙合韵

踏直魚切按古有去聲當與御部並收

楚詞九辨七蹇淹留而延蹇與處叶漢武帝悼李夫

人賦哀衷徊以躊躇與去叶

十虞

虞 遇俱切按古有去聲當與遇部並收

詩抑五章用戒不虞與度叶雲漢六章則不我虞與  
莫怒叶左宣十五爾無我虞與詐叶揚雄長楊賦反  
五帝之虞與度叶城門校尉箴民以不虞與路固叶  
太元經樂贊亡彼愆虞與懼叶易林升之既濟无悔  
无虞與懼叶馮衍刀陽銘用戒不虞與懼叶張衡西  
京賦用戒不虞與附晝通韵

誅 陟輪切按古有去聲當與遇部並收

易禘卦傳明夷誅也與晝遇叶蔡邕釋誨高受滅家  
之誅與踣驚叶班固奕旨三分有二釋而不誅與懼  
虞通韵

孚 芳無切按古有去聲當與遇部並收

太元經疑贊遇貞孚與舊叶蔡邕麟頌麒麟來孚與  
獸就叶

俱 舉朱切按古有上聲當與麌部並收

易林同人之泰與飛鳥俱與雨叶漸之既濟與飛鳥  
俱與舉叶

十一模

塗

同都切按古有上去二聲當與姥暮二部並收

莊子徐無鬼篇無所問塗與馬野叶史記龜策傳辱

在泥塗與下所叶

以上上聲

孫武子九地篇迂其途與居

音倨

慮叶荀子成相篇邪

枉辟回失道途與度故叶太元經資贊迂其塗與故

叶易林坎之旅蹢足據塗與袴叶明夷之豐日月之

塗與到合韵漸之小過與到故合韵明夷之屯日月

之塗與到晦借韵張衡東京賦繼子嬰于軹塗與固

庫叶鑿以節塗與顧步叶後漢書張衡傳凍雨沛其

灑塗與夜輅叶

以上去聲

圖 同都切按古有上去二聲當與地暮二部並收

詩烝民六章我儀圖之與舉叶書五子之歌不見是

圖與馬叶國語越范蠡語王無早圖與予同叶易林

蒙之剝贊爲隸圖與伍叶以上上聲

管子版法篇民乃自圖與寤度叶四稱篇借人爲圖

與舍夜叶內業篇心無他圖與舍度叶不蚤爲圖與

薄舍叶乃爲之圖與度叶又與度慮叶以上去聲

謨 莫胡切按古有去聲當與暮部並收

漢書敘傳韋賢贊叔孫是謨與度路叶後漢書崔駰

傳昔堯含感而臯陶謨與慮叶蔡邕汝南周巨勝碑



銘覃思德謨與固度叶胡太傅祠前銘得公之謨與  
祚叶隸釋劉寬後碑就此典謨與度布叶魏何晏景  
福殿賦慕咎繇之典謨與路故叶

十三佳

柴土佳切按古有去聲當與卦部並收

詩車攻五章助我舉柴與伙叶三國志魏文帝誅文  
燎封奉柴與地叶

十四皆

偕古諧切按古惟有上聲並無平聲當削去改入駭部

詩陟咭四章夙夜必偕與弟死叶杕杜四章卜筮偕

止與邁叶魚麗五章惟其偕矣與旨叶賓之初筵一章飲酒孔偕與旨叶楚詞九辨七陰陽不可與儷偕與毀弛叶太元經親測賓主偕也與體叶

十六咍

該古哀切按古有上聲當與海部並收

枚叔七發肴糲雜該與耳叶漢書律厯志該闕于亥洛哀切按古有去入二聲當與代德二部並收來

詩采薇三章我行不來與疚叶杕杜四章匪載匪來與疚叶南有嘉魚四章烝然來思與又叶大東二章既往既往來與疚叶靈臺一章庶民子來與亟叶易困

九二朱紱方來與食祀叶楚詞遠遊精皎皎以往來  
與怪叶管子禁藏篇不引而來與富叶荀子箴賦一  
往一來與事叶司馬相如上林賦馳騫往來與態叶  
翱翔往來與態叶封禪頌今觀其來與喜態叶新書  
容經篇邪僻無由來與倍叶樂府白狼王都夷歌不  
從我來與意異叶易林恒之豫兵戎且來與寇借韵  
以上  
去聲

詩出車一章調我來矣與收載音稷棘叶大東四章職  
勞不來與服叶常武二章徐方既來與塞叶孟子滕  
文公篇勞之來之與直翼叶荀子勸學篇榮辱之來

與德叶鬼谷子內捷篇事從中來也與得合通韵上以聲入

二十文

勲 許云切按古有去聲當與問部並收

書聖有謨勲作訓讀史岑出師頌列壤酬勲與郡叶下平聲

二仙

愆 去乾切按古有上聲當與獮部並收

詩伐木三章乾餱以愆與踐遠叶太元經法贊匪谿匪谷終于愆與衍叶

三蕭

僚 洛蕭切按古有上聲當與篠部並收

詩月出二章佼人僚兮與皎糾叶史公自序闔閭滅僚與楚合韻

四宵

飄 撫招切按古有去聲當與笑部並收

詩匪風二章匪風飄兮與漂弔叶何晏感節賦

與燿笑照叶

昭 止遙切按古有去聲當與笑部並收

詩正月十一章亦孔之炤中庸引作昭抑十一章昊

天孔昭與樂懌叶泮水二章其音昭昭與笑教叶  
朝直遙切按古有去聲當與笑部並收

禮記禮運三公在朝與廟學叶韋賢在鄉詩穢我王  
朝與陋通韵立于王朝與舊通韵易林夬之晉執轡  
在朝與處借韵

### 五肴

苞布交切按古有去聲當與效部並收

詩斯干一章如竹苞矣與茂好叶生民五章實方實  
苞與茂褻叶又苞从包得聲野有死麕一章白茅包  
之與誘叶

六豪

高

古勞切按古有去聲當與號部並收

楚詞九辨寧窮處而守高與教樂叶楊雄長楊賦增  
泰山之高與勞號叶後漢傳毅七激縣著隆高與志  
合韵

九麻

姤

苦瓜切按古有上聲當與馬部並收

楚詞九歌東君思靈保兮賢姤與虞舞叶九章抽思  
覽予以其修姤與怒叶

家

古牙切按古有上去二聲當與馬禡二部並收

詩訪落陟降厥家與下叶易林師之萃以水爲家與

啞叶否之益徙巢去家與馬叶

以上上聲

屯之蠱更爲新家與嫁叶賁之坤去其室家與墓叶  
蒙之坤窮不過家與佑借韵坎之離西徙無家與事  
借韵解之萃居非其家與位借韵白虎通嫁娶篇嫁  
者家也

以上去聲

### 十一唐

行胡郎胡庚胡浪胡孟四切按古惟讀平聲唐韵正錄至數百事並無讀去聲者當存唐部字其餘並刪

### 十八尤

憂於求切按古有去聲當與宥部並收



詩兔爰二章逢此百憂與造覺叶左哀二十以爲二  
國憂與覺蹈叶國語晉郭偃引商銘而祇取憂也與  
就叶易林解之鼎姬妾何憂與舍懼借韵夬之晉叔  
父无憂與處借韵升之小過君主何憂與助去借韵  
小畜之大畜國安無憂與狩叶

休 許尤切按古有上聲當與有部並收

詩江漢六章對揚王休與首考叶墨子襍守篇不至  
城矢石無休與後合韵

謀 莫浮切按古有去聲當與宥部並收

詩板三章我卽爾謀與事服叶孫武子九地篇革其

謀與事志叶逸周書周祝解離之以謀與植叶鬼谷  
子裨闔篇審明其志謀與異志叶大戴禮五帝德篇  
洪淵以有謀與事叶隸釋刺史王純碑頌在公謁謀  
與究備通韵

留 力求切按古有去聲當與宥部並收

後漢書梁鴻傳嗟恇恇兮誰留與臭究叶隸釋北海  
相景君銘明府弗留與就叶

讎 市周切接古有上聲當與有部並收

左僖五憂必讎焉與保叶管子七臣七主篇開昂黨  
以爲讎與主合韵

十九侯

候 戶鉤切接古有去聲當與候部並收

詩無羊二章或負其餽與具叶太元經親贊乾餽與  
附叶

補十七登

能 奴來奴代奴登三切按古有上聲當與海部並收刪  
去奴登一切

吳子料敵篇欲前不能與倍殆叶逸周書太子晉解  
自古誰能與起子叶易林小畜之隨禮讓不能與主  
借韵

上聲

一董

動 徒總切按古有平聲當與東部並收

易恒象傳巽而動與應恒合韵宋玉登徒子好色賦  
蓋徒以微辭相感動與憑合韵文子道原篇不虛動  
兮與通叶守朴篇迫而動與應音鷹合韵淮南精神訓

同尙書大傳堯典東方者何動方也漢書律厯志東  
動也白虎通五行篇同徐幹齊都賦鉦鼓雷動與中  
叶

四紙

靡 文彼切按古有平聲當與支部並收

詩黍離行邁靡靡與離叶易中孚九二吾與爾靡之  
與和叶韓非揚權篇薄者靡之與虧叶揚雄長楊賦  
聖風雲靡與義音俄叶淮南泰族訓草木爲之靡與移  
馳叶魏嵇康卜疑集承旨倚靡與隨叶何晏景福殿  
賦豈惟盤樂而崇侈靡與陂叶阮瑀箏賦升降綺靡  
與開爲合韵

五旨

指 職難切按古有平去二聲當與脂至二部並收

劉向九嘆遠逝建虹采以招指與馳合韵淮南要畧

則不知合同大指與衰宜合韵易林賁之坎虎齧龍

指與崖雌合韵

以上平聲

鬼谷子分威篇撓其一指與次叶韓非有度篇從王之指與利叶揚雄上林苑箴敢告執指與差至合韵

以上

去聲

死

息姊切按古有去聲當與至部兩收

禮記儒行患難相死也與示致叶宋玉九辨五泊葬  
莽與野草同死與濟至叶管子心術上人之可殺以  
其惡死也與利叶說苑說叢篇夫有禮者相爲死與  
至視叶太元經釋贊顛仆死與利叶昆贊昆于死與

遺叶家語觀周篇強梁者不得其死與敵通韵太元  
經裝測迸其死也與至避通韵

美無鄰切按古有去聲當與至部兩收

逸周書文傳解不淫于美與茨費叶史記龜策傳目  
得所美與嗜利叶

### 六止

矣于止切按古有平聲當與之部兩收

詩十月之交五章禮則然矣與謀萊叶馬融廣成頌  
方斯蔑矣與哉叶

祀祥里切按古有去聲當與志部兩收

詩楚茨一章以享以祀與侑福叶大田四章文同旱  
麓四章以享以祀與載備叶周頌潛以享以祀與福  
叶易困九二利用享祀與食來音吏叶韓非外儲左上  
端冕而祀之與置治叶

喜

虛里切按古有去聲當與志部兩收

詩彤弓二章中心喜之與載右叶易賁象傳六五之  
吉有喜也與志叶大畜象傳六四元吉有喜也與志  
叶損象傳損其疾亦可喜也與疑祐叶升象傳九二  
之孚有喜也與志疑叶楚詞天問北至回水萃何喜  
與祐叶鼓刀揚聲後何喜與識叶九章橘頌其可喜



兮與志叶豈不可喜兮與異叶宋玉神女賦若有所  
喜與意記叶墨子襟守篇皆其所喜與備叶呂覽知  
度篇正性是喜與事叶劉歆遂初賦固聖賢之所喜  
與怪意叶司馬相如封禪頌其儀可喜

今本誤作嘉

與固

叶漢書廣陵王傳何用爲樂心所喜與亟叶史游急  
就章勉力務之必有喜與厠意叶易林同人之明夷  
王者有喜與富叶謙之師君王嘉喜與萊音吏叶萃之  
坤新受大喜與富叶升之大壯開市作喜與事富叶  
巽之旅善門福喜與熾叶中孚之蹇俱見大喜與富  
叶蒙之復君子有喜與逐通韻訟之巽憂人有喜與

忤吏借韵後漢書太學中謠蔡孟喜與志叶馬融長  
笛賦誠可喜也與富異叶曹植皇子生頌萬國作喜  
與嗣叶稽康六言詩佳哉爾時可喜與事志叶吳韋  
昭鼓吹曲頌聲章嘉喜與賚裕借韵  
里良止切按古有去聲當與志部兩收

詩桑柔十章瞻言百里與喜音忌叶召旻七章日蹙

國百里與舊叶十月之交五章悠悠我里與癡叶

### 七尾

斐敷尾切按古有平聲當與微部兩收

詩巷伯一章斐兮與萋叶劉歆甘泉宮賦芳盼嚮之

依斐與梯棲叶張超誚青衣賦雅句斐斐與姿微叶

八語

圍魚巨切按古有去聲當與御部並收

韓非揚權篇內索出圍與度叶漢書叙傳賈誼贊以  
強守圍與據慮叶

序徐呂切按古有去聲當與御部並收

禮記禮運禮有序與度御叶大夫以法相序與御叶  
孟子滕文公篇序者射也漢書武五子傳贊宣承天  
序與詛據叶

鼠舒呂切按古有去聲當與御部並收

韓非揚權篇令狸執鼠與夜叶易林需之噬嗑使魚捕鼠與兔叶睽之豫貪妒腐鼠與妒叶

所疎舉切按古有去聲當與御部兩收

管子內業篇眇眇乎其如窮無所與索

音素

叶易林坎

之需君失其所與步叶剝之兌擾亂神所與地誤通韵大壯之需胡亥失所與駕通韵

舉居許切按古有去聲當與御部兩收

楚詞九辨五鳳愈飄翔而高舉與御去叶揚雄解嘲蔡澤雖噤吟而笑唐舉與伯

音霸

懼叶易林坎之豐未

能高舉與舍譽叶後漢書崔駰傳或望色而斯舉與

去叶曹植王仲宣諫飄飄高舉與素路叶三國蜀志  
卻正傳超然高舉與慮譽叶劉向九嘆遠遊馭高舉  
兮與霧通韵張衡羽獵賦弩不虛舉與兔遇通韵魏  
邯鄲淳答贈詩必在初舉與遇通韵

阻 側呂切按古有平聲當與魚部兩收

揚雄幽州收箴周使不阻與都胡叶淮南主術訓而  
不能與山居者入荆榛薄險阻也與湖駢叶

### 九麋

侮 文甫切按古有去聲當與遇部兩收

詩常棣四章外禦其務左傳引作侮縣九章予曰有

禦侮與奏附叶行葦三章序賓以不侮與鏃樹叶皇  
矣八章四方以無侮與禡附通韵老子淳風篇其次  
侮之與譽通韵

十姥

古 公戶切按古有去聲當與暮部兩收

楚詞離騷予焉能忍與此終古與惡席叶劉向九嘆  
思古復往軌于初古與悟叶

十二蟹

解 胡買佳買古買三切按古有入聲當與麥部並收

詩韓奕一章夙夜匪解與易辟叶殷武三章稼穡匪

迹策叶靈樞九鍼十二原結雖久猶可解也與雪說  
合韻

十五海

待 徒亥切按古有平去二聲當與哈代二部並收

易蹇象傳往蹇來譽宜待也與尤之叶楚詞離騷騰  
衆車使徑待與期叶 以上平聲

荀子成相一章君子誠之好以待與志富叶淮南主

術訓清虛以待與意事叶 以上去聲

急 徒亥切按古有平聲當與哈部並收

易雜卦傳謙輕而豫怠也與裁來叶國語越范蠡語  
得時不怠與來災叶逸周書周祝解凡彼濟者必不  
怠與時叶史記秦之罾東觀銘視聽不怠與旗疑叶  
司馬相如上林賦于是乎游戲懈怠與臺叶劉歆遂  
初賦苟偷樂而惰怠與臺叶劉褒九懷陶壅衰色罔  
兮中怠與茲叶枚叔七發中虛煩而益怠與來持叶  
東方朔客難敏行而不敢怠也與萼叶列女傳晉文  
齊姜頌言行不怠與疑謀叶韓詩外傳第六則民不  
怠與之叶易林蠱之蒙凌人情怠與災叶觀之未濟  
積德不怠與時叶張衡東京賦後世猶怠與裁裁叶



隸釋三公山碑銘敬而不怠與時芋叶揚雄校獵賦  
勸之以弗怠與彫饒台韵

倍薄亥切按古有去聲當與代部並收

詩瞻卬四章如賈三倍與事叶賈誼引詩正人十倍  
與來吏音叶孟子滕文公篇師死而遂背之作而遂倍  
之

十六軫

引余忍切按古有平聲當與眞部並收

儀禮少牢饋食篇勿替引之與田年叶漢書律厯志  
引達于寅又引者信也魏杜摯笳賦忽焉前引與邁

音叶

泯彌鄰武盡二切按古惟有平聲並無上聲當刪去改入眞部

詩桑柔二章靡禍不泯與翩頻叶宋玉小言賦乍見  
乍泯與身巾叶曹丕驚賦知時命之將泯與身神叶  
王粲傷天賦或昏天而夙泯與均叶魏丁廙妻寡婦  
賦所恃奄其徂泯與津遮叶曹植平陽公主誄良幹  
以泯與文雱通韵

閔眉殞切按古有平聲當與諄部並收

詩鴟鶚一章育子之閔斯與恩勤叶淮南精神訓芒  
芟漠閔與門叶

隕于敏切按古有平聲當與諄部並收

詩氓四章其黃而隕與貧叶穆天子傳古文三流涕  
卉隕與恩叶

### 十八吻

憤房吻切按古有平聲當與文部並收

蔡邕述行義二士之俠憤與勤股叶易林頤之鼎自  
令亂憤與仁門通韵草之比白虎赤憤與庭征合韵  
二十阮

遠雲阮于願二切按古有平聲當與元部並收

詩角弓二章爾之遠矣與然叶抑十二章取譬不遠

與難叶易繫辭下傳故其爲書也不可遠與遷叶楚  
詞九章涉江鸞鳥鳳凰日以遠兮與壇叶靈樞五色  
篇以知近遠與搏叶淮南本經訓按徑歷遠與山患  
叶易林坤之大過常不屬遠與殘叶明夷之漸行近  
不遠與言叶困之大畜壽以高遠與患年合韵太元  
經盛測禍不遠也與危反合韵

婉 於阮切按古有去聲當與願部並收

詩甫田二章婉兮與變叶見弁叶猗嗟二章清揚婉  
兮與選貫叶張衡西京賦捐衰色從嬋婉與館音貫  
叶後漢邊讓章華賦展中情之嬋婉與館玩叶

反孚袁孚遠二切按古有去聲當與願部並收

詩氓六章不思其反與晏旦叶猗嗟三章四矢反兮  
與貫亂叶易雜卦傳復反也與爛叶文子微明篇睹  
物往而知其反與變叶劉向九嘆靈懷終不反兮與  
願叶張衡西京賦眇不知其所反與蔓萬叶楊修節  
遊賦乃升車而來反與倦腕叶

二十一混

損蘇本切按古有平聲當與魂部並收

易林恒之中孚鄉善無損與門叶荀子雲賦德厚而  
不損與文神通韵太元經積測還自損也與蕃通韵

二十八獨

轉 知戀陟克二切按古有平聲當與仙部並收

淮南泰族訓縣烽未轉與前叶樂府雜曲悲歌腸中

車輪轉與船言叶

變

力衍切按古有去聲當與線部並收

詩甫田三章婉兮變兮與州見叶蔡邕胡夫人黃氏

神誥用永蕃變與衍

音順通韵

淺

七衍切按古有平聲當與仙部並收

楚詞九歌湘君石瀨兮淺淺與翩聞叶淮南原道訓

填之而不淺與殘叶

衍以淺于線一切按古有平聲當與仙部並收

枚乘梁王兔園賦道臨廣衍與旋山叶劉歆甘泉宮  
賦臨眺廣衍與山泉叶司馬相如哀二世賦注平皋  
之廣衍與榛合韵易林歛贊畜樂而衍與田合韵隸  
釋北海相景君銘辨秩東衍與親延合韵

善常演切按古有平聲當與仙部並收

管子七臣七主篇不敵則見所不善與安叶大戴哀  
公問五義篇不知其善與然叶太元經元衡親親乎  
善與恩通韵老子任契篇安可以爲善與怨音叶上

平聲

二十九篠

繚 盧鳥切按古有平聲當與蕭部同收

漢饒歌有所思篇用玉紹繚之與燒叶淮南小山招  
隱士偃蹇連繚枝相繚與幽通韵

三十小

洺 之少切按古有去聲當與笑部並收

詩正月十一章魚在于洺與樂炤叶司馬相如封禪  
頌招翠乘黃龍于洺與獸叶班固西都賦填流泉而  
爲洺與獸圍叶

三十二皓



好呼皓呼號二切按古有平聲當與豪部並收

詩清人三章中軍作好與陶抽叶彤弓三章中心好  
之與麋醅叶史記箕子麥秀歌不我好兮與油叶太  
元經聚贊九宗之好與猶孚叶

道徒好切按古有平聲當與豪部並收

漢孔臧鵲賦時來不道與求憂叶太元經晦測不見  
道也與昭叶

三十三寄

左臧可則箇二切按古有平聲當與歌部並收

詩竹竿三章泉源在左與嗟儺叶裳裳者華四章左

之左之與宐叶王逸九思遭厄顧指我兮從左與馳  
叶

三十五馬

灑所蟹砂下所寄三切按古有平聲當與麻部同收

枚叔七發披揚流灑與池罷叶劉向九嘆思古泣如  
灑兮與池罷叶太元經竈首陰雖沃而灑之與穌叶  
寫息姐切按古有去聲當與禡部並收

素問離合真邪論故命曰寫與故去叶調經論是謂  
大寫與路叶

三十六養

養馬養餘兩餘亮二切按古有平聲當與陽部並收

孟子滕文公篇庠者養也文子道原篇不見其所養與長喪叶呂覽盡數篇因長而養之與良明叶

象徐兩切按古有平聲當與陽部並收

易剝象傳觀象也與長行叶莊子至樂篇而無有象乎與芒叶文子精誠篇是故聖人象之與喪亡叶

爽疎兩切按古惟讀平聲至曹植釋愁文亂我情爽與掌黨叶始作上聲當與陽部並收

詩氓四章女也不爽與裳行叶蓼蕭二章其德不爽與光忘叶老子檢欲篇五味令人口爽與聾狂通韵莊子天地篇使口厲爽與聰揚通韵呂覽尊師篇不

學其言不若爽與盲狂叶馬融廣成頌崑嶺慘爽與

楊叶

饗

許兩切按古惟讀平聲並無上聲當刪去改入陽部

詩七月八章朋酒斯饗與場羊叶彤弓一章中心饗  
之與臧貺叶楚茨二章神保是饗與皇慶叶周頌我  
將篇既又饗之與方王叶商頌烈祖篇來格來饗與  
穰嘗叶楚詞天問彭鏗斟雉帝何饗與長叶后帝是  
饗與喪叶山海西山經黃帝是食是饗與湯叶天地  
鬼神是食是饗與剛祥叶漢唐山夫人安世房中歌  
告靈饗矣與芳臧叶郊祀歌朝隲首章賓百僚山河

饗與祥叶史記孝武紀皇帝敬拜泰祝之饗與祥明  
叶史公自序二叔不饗與庚商叶逸周書武寤解神  
無不饗與宗公合韵班固東都賦嘉珍御太牢饗與  
觴叶張衡東京賦來顧來饗與噲穰叶

墨子排柱篇  
啓于昆吾之

墟上饗

饗作鄉

享

許兩切按古惟有平聲並無上聲當刪去改入陽部

詩天保四章是用孝享與當王叶信南山六章是永  
是享與明皇叶周頌載見篇以孝以享與鵠光叶商  
頌烈祖篇以格以享與鵠將叶殷武二章莫敢不來  
享與羌王叶揚雄并州牧箴犬戎不享與方王叶郊

祀歌惟泰元章庶幾宴享與鏘將叶天地章神夕奄  
虞蓋孔享與長翔叶易林否之豫保佑飲享與慶叶  
三國志魏文帝紀烈考來享與鏘祥叶太元經居測  
三歲不享與彊莊叶易萃象傳致孝享也與正命通  
韵易林蒙之小畜天地配享與明功通韵訟之震天  
地配享與明平通韵史記龜策傳鬼神不享與成冥  
通韵史公自序諸侯不享與衡宗合韵隸釋樊毅修  
華嶽碑鬼神不享與昌凶通韵長史武班碑銘徂逝  
不享與凶傷合韵

賞

書兩切按古有去聲當與漾部並收

管子七臣七主篇明爲下厚請賞與棟通韵說苑說  
叢篇必受其賞與讓謗叶

罔 文兩切按古有平聲當與陽部並收

詩瞻卬六章天之降罔與亡叶太元經務贊小人亦  
用罔與方叶

往 于兩切按古有平聲當與陽部並收

易小畜象傳尙往也與行亨叶賁象傳故小利有攸  
往與亨剛叶大過象傳利有攸往與行亨叶損象傳  
利有攸往與上行叶書泰誓今朕必往與揚疆叶呂  
覽下賢篇天下之往也與王叶文子符言篇天下不

適不往與王叶逸周書鄭保解六厚使以往與喪藏  
叶春秋元命苞王者往也太元經遇首陽氣始往與  
逢通韵

仰 魚兩切按古有平聲當與陽部並收

詩車牽五章高山仰止與行叶宋玉大言賦迫不得  
仰與長叶曹植殷湯贊諸侯敬仰與王償叶

### 三十七蕩

蕩 徒朗他浪二切按古有平聲當與唐部並收

楚詞九歌河伯心飛揚兮浩蕩與望叶靈樞外揣篇  
五藏波蕩與彰明叶文子精誠篇鎮星搖蕩與行當



叶漢郊祀歌天門開誅蕩蕩與饗

音香

叶曹植七咎難

可磨蕩與傷叶

朗盧黨切按古有平聲當與唐部並收

呂覽盡數篇與爲精朗與行長叶王逸九思哀歲元氣兮高朗與涼唐叶

賴蘇朗切按古惟讀平聲並無上聲當刪去改入唐部

太元經俟贊天扑之賴與厓叶易林履之小畜童顏重賴與殃鄉叶履之兌元鬣黑賴與鄉莊叶隨之大過雀目燕賴與光叶文子上德篇粉其賴與堂芳工通韵三國志魏文帝紀鄭人懼稽賴與商亡叶莊子

天地篇困悞中賴與聰爽通韵易林乾之節龍角博  
賴與卿寧通韵

慷苦朗切按古有平聲當與唐部並收

趙飛燕歸風送遠操望子心兮多慨慷與霜望叶曹  
操短歌行慨當以慷與忘康叶

廣古晃切按古有平聲當與唐部並收

莊子知北遊篇地不得不廣與行昌叶文子上德篇  
地道方廣與長叶張衡冢賦踐而行之巧以廣與亡  
嘗叶淮南主術訓執約以治廣與衡眾音中合韵東方  
朔客難地不爲人之惡險而輟其廣與冬行合韵

四十靜

靜疾郢切按古惟有平去二聲至魏晉始閒讀上聲當與清勁二部並收

管子正篇和平以靜與聽爭叶內業篇人之安靜與  
正平叶六韜文韜安徐而靜與爭正叶冬道藏萬物  
靜與榮成叶武韜聖人務靜之與爭正叶逸周書周  
祝解因其能民乃靜與爭聽叶呂覽君守篇天之  
大靜與正卑叶揚雄解嘲惟清惟靜與廷叶淮南原道  
訓柔弱以靜與爭叶  
禮記月令仲冬事欲靜與性定叶楚詞大招與定叶  
老子爲政篇不欲以靜與正叶洪德篇清靜與正叶

以上平聲

淳風篇我好靜與正叶歸根篇歸根曰靜與命叶管子內業篇能靜與正定叶守敬莫若靜與敬性叶愛慾靜之與正叶心能執靜與定叶靈樞九鍼十二原聽其動靜與正叶文子道原篇不通物者不能清靜與性叶守虛篇恬愉虛靜與命叶韓非揚權篇聖人執一以靜與命定叶莊子在宥篇抱形以靜與聽正叶天地篇淵靜與定叶呂覽先已篇利身平靜與聽性叶蔡邕姜伯淮碑銘守此乎靜與命聘叶以上去聲巨成居郢二切按古惟讀平聲並無上聲當刪居郢切之音

易林坤之豐折角摧頸與情傾叶蒙之噬嗑畫龍頭

頸與成名叶大畜之益雄雞折頸與名叶大過之履  
履鬼頭頸與傾成叶大過之萃鼻移在頸與生榮叶  
解之大畜摧角折頸與生形叶豐之漸折角摧頸與  
情榮叶大壯之觀纓急縮頸與前成借韵後漢書蔡  
文姬傳含哀咽兮涕沾頸與驚寧叶魏劉邵趙都賦  
龍身鵠頸與精聲叶後漢張紘環材枕賦或效鴛鴦  
之交頸與征精叶楊修孔雀賦爰龜背而鸞頸與靈  
程叶三國志魏文帝誅文紛涕流而交頸與驚崢叶  
曹植王仲宣諫雨泣交頸與聲冥叶精微篇白刃幾  
在頸與名生叶王粲鸚鵡賦倦獨宿而宛頸與冥叶

七釋修項秀頸與形榮叶思親詩救死于頸與爭情

叶曹丕秋胡行鴛鴦交頸與庭揚通韵

逞

丑郢切按古惟有平聲並無上聲當刪去改入清部

嚴忌哀時命身至死而不得逞與榮正叶後漢書張  
衡傳怨素意之不逞與禎鳴叶隸釋太守孔彪碑靡  
所復逞與形生叶老子鉛舒憤散逞與縈并叶三國  
志陳思王傳家願得而獲逞與榮鳴叶阮籍東平賦  
何淳朴之靡逞與誠靈叶清思賦又焉處而靡逞與  
情鵲叶王粲思親詩弗克弗逞與爭情叶魏楊修節  
遊賦以娛以逞與精靈叶

四十四有

酒 子酉切按古有平聲當與尤部並收

詩正月十二章彼有旨酒與殽通韵車牽三章同管子侈靡篇毋數據大臣之家而飲酒與消通韵

否 房彼方久二切按古有平聲當與尤部並收

楚詞九章惜往日不清澂其然否與之欺叶陸賈新語慎微篇分別然否與疑治叶太元經積贊冥積否與基叶

守 書九舒救二切按古有平聲當與尤部同收

文子道原篇約其所守與求叶揚子法言重黎篇能

侯置守與猷叶

咎其九切按古有去聲當與宥部並收

詩小旻三章誰敢執其咎與就道叶易林旣濟之明夷爲身殃咎與餌釣通韵困之屯居中無咎與悼後合韵益之剝心安吉患無咎與薄借韵

四十五厚

垢古厚切按古有入聲當與屋部並收

詩桑柔十二章征以中垢與谷穀叶說苑敬慎篇誠無垢與辱叶

四十六黝



唐韻四聲正

厚勳寢

三

糾居勳切按古有平聲當與幽部並收

易林明夷之旅膠日殺糾與憂叶張衡思元賦騰蛇  
蜿而自糾與騷條叶嵇康琴賦蜃蟪相糾與濤州叶

### 四十七寢

飲於錦切按古有平聲當與侵部並收

劉向列女辨通傳願乞一飲與譚心叶詩公劉四章  
食之飲之與宗合韵白虎通禮樂篇音者飲也

去聲

一送

凍

德紅多貢二切按古惟讀平聲並無去聲當入東部

易林復之需東風解凍與通功叶淮南天文訓十月  
不凍與霜鄉通韵

鳳

馮貢切按古惟讀平聲並無去聲當入侵部

漢書敘傳楊胡朱梅云贊福逾刺鳳與衷通韵易林  
家人之剝騎龍乘鳳與公通合韵

三用

用 余頌切按古有平聲當與鍾部並收

詩小旻一章不臧復用與從卽叶易乾初九勿用與  
龍叶文子精誠篇此假不用能成其用也與通叶陸  
賈新語資質篇仆則爲萬世之用與旁通韵文子守  
朴篇有神而不用與宗中通韵太元經積贊積不用  
而至于大用與心借韵

頌似用切按古有平聲當與鍾部並收

揚雄校獵賦修唐典匡雅頌與裳通韵河東賦奮六  
經以攄頌與融離通韵隸釋酸棗令劉熊碑銘黔首  
歌頌與邦蒙叶班固西都賦第從臣之嘉頌與供叶  
誦全上當與鍾部並收

詩節南山十章家父作誦與訥邦叶朱玉九辨六白  
厭按而學誦與通從叶列女傳召南申女誦後世稱  
誦與容從叶大傳辟雍詩奏爾悲誦與工雝叶隸釋  
執金吾武榮碑銘萬世諷誦與功同叶楊孟文石門  
頌世世嘆誦與同功叶長史武班碑銘萬載嘆誦與  
忘通韵

訟

切全按古惟讀平聲並無去聲當改入鍾部

詩行露三章何以遠我訟與墉從叶管子四稱篇惟

趣人訟

今本誤作詔

與從叶列女傳召南申女頌遂至獄

訟與容從叶易林屯之漸道路爭訟與東同叶訟之

噬嗑多口爭訟與空叶剝之渙坐爭立訟與洵公叶  
大畜之无妄與我爭訟與公壅叶遯之噬嗑東西多  
訟與凶功叶節之巽垂辰生訟與同叶易訟彖傳險  
而健訟與中通韵三畧上一軍皆訟與眾容通韵易  
林无妄之剝行露之訟與行通韵大壯之姤出爭我  
訟與明常通韵損之既濟日爭凶訟與鄉縱通韵井  
之益不直生訟與牆功通韵大壯之歸妹虞芮爭訟  
與興合韵離之未濟日爭凶訟與鄉證合韵大畜之  
需尙德止訟與仁借韵曹操對酒詩民所爭訟與良  
讓通韵蔡邕劉鎮南碑頌名伯聽訟與豐興合韵

衆職戎之仲二切按古惟讀平聲並無去聲當刪之仲切一音

楚詞招魂多迅衆些與宮叶淮南原道訓陸事寡而  
水事衆與蟲叶班固西都賦連交合衆與中叶易解  
衆傳往得衆也與中功通韵管子勢篇慕和其衆與  
從通韵三畧上動違于衆與訟容通韵史記龜策傳  
諛臣有衆與功同通韵新語懷慮篇雖寡必衆與崩  
通韵易林節之訟招邊定衆與戎鋒通韵淮南主術  
訓得要以應衆與衡合韵太元經滅剿無以泄衆也  
與中禁合韵上測失大衆也與方升合韵

五寘

議

宜寄切按古有平聲讀如俄當與支部並收

詩斯千九章惟酒食是議與儀羅叶北山六章或出  
入風議與爲叶莊子山木篇尊則議與離虧叶新語  
至德篇然後賢愚異議與科差叶史記史公自序王  
人是議與禾叶淮南俶真訓立而不議與和爲叶詮  
言訓有迹則議與爲叶東方朔七諫怨世唐虞點灼  
而毀議與戲音呵爲叶後漢書崔駰傳惟世所議與虧  
隨叶張衡西京賦幹非其議與祇合韵

被

平彼平義二切按古有平聲當與支部並收

戰國趙策借衣者被之與馳叶張衡西京賦張甲乙

而襲翠被與施同靡叶

義

宜寄切按古有平聲讀如俄當與支部並收

易鼎象傳失其義也與何叶書洪範遼王之義與頗  
叶中庸義者宜也宋玉登徒子好色賦心願其義與  
差叶莊子盜跖篇無成而義與爲叶韓非揚權篇上  
不與義之與爲叶三畧下義者人之所宜揚雄長楊  
賦遵道顯義與靡叶易林中孚之困慕丹之義與歌  
軻叶管子四稱篇居處則思義與謨通韵王逸九思  
疾世靡貴乎仁義與乖池通韵琴思楚歌內無所侍  
失本義與馳爲叶



戲香義切按古惟讀平聲並無去聲當入支部

大學引詩於呼作於戲楚詞遠遊吾將從王喬而娛  
戲與居霞通韵枚叔七發險險戲戲與池罷叶東方  
朔七諫怨世然蕪穢而險戲與何議叶張衡西京賦  
程角觝之妙戲與靡叶魏繆襲青龍賦昭嘉祥之赫  
戲與儀離叶王逸九思傷時玩琴書兮遊戲與施夷  
通韵

六至

至

脂利切按古有上入一聲當與旨質二部並收

詩賓之初筵二章百禮既至與禮叶管子形勢解則

沈玉不至與水叶文子精誠篇莫不重譯而至與旨

叶太元經盛贊寒泉至與火叶以上上聲

詩東山三章我征聿至與室窰叶扶杜四章期逝不

至與恤叶蓼莪三章入則靡至與恤叶呂覽審時篇

先時者暑雨未至與疾節叶淮南兵畧訓不如百人

之俱至也與恉叶太元經少贊自少不至與恤叶易

林小畜之旅二耕喜至與瑟叶益之鼎期逝不至與

恤叶以上入聲

悴秦醉切按古有入聲當與質部並收

劉向九嘆怨思章時槁悴兮與拂叶惜賢章顧僕夫

之憔悴與鬱叶

備平秘切按古有入聲當與職部並收去聲當入志部

韓非愛臣篇臣聞千乘之君無備與稷側叶外儲右  
上上明見人備之與惑飾叶太元經元攤天地備矣  
與接合韵

肆息利切按古有入聲當與質部並收

詩皇矣八章是肆與是忽爲句中韵太元經更贊雖  
勿肆與邾節叶更測不可肆也與失叶

地徒四切按古有平聲已見唐韵正不更錄

七志

志 職吏切按古有平聲當與之部並收

易革象傳改命之吉信志也與之叶兌象傳孚兌之  
吉信志也與疑叶書大禹謨惟先蔽志與龜叶楚詞  
九章惜誦章亦非余之所志也與哈叶抽思章反既  
有此他志與期叶思美人章媿易初而屈志與詒叶  
國語越范蠡語君臣上下交得其志與時滋叶太元  
經翕贊狂衝于冥翕其志與茲叶

試 式吏切按古有上聲當與止部並收

詩采芑一章師干之試與畝止叶三章與止叶

餌 仍吏切按古有上聲當與止部並收

老子仁德篇樂與餌與止叶淮南俶眞訓仁義爲餌  
與海有叶易林噬嗑之大畜甘樂其餌與駭叶小畜  
首白鳥銜餌與子母叶

事 鉏吏切按古有上入二聲當與止職二部並收

詩采芣一章公侯之事與沚叶北山一章朝夕從事  
與子母叶蕩九章言示之事與否耳叶縣四章周爰  
執事與里畝叶禮記月令以便民事與市賄叶管子  
心術上故必知不言無爲之事與紀理叶淮南要畧  
則無以明推事與已叶易林隨之坤安康無事與有  
叶復之謙不可以事與已殆叶姤之井思吾故事與

否市叶淮南要畧紀綱王事與道通韵文子自然篇

舉無過事與表理合韵

以上上聲

管子心術上下失其事與力翼叶鬼谷子損兌篇言

察辭合于事與德叶內捷篇合于謀待決事也與合

通韵素問疏五過論按循醫事與則副叶

以上入聲

意

於志切按古有入聲當與職部並收

詩正月十章曾是不意與輻叶易明夷象傳獲心意

也與得息叶楚詞天問何所意焉與極叶韓非外儲

右上人且意女與匿叶呂覽重言篇將以定志意也

與翼則叶鵠冠子世兵篇惟聖人而後決其意與則

息叶素問四氣調神論若有私意與匿得叶史記秦  
之罘西觀銘承順聖意與則式叶賈誼鵬鳥賦好惡  
積意與息叶劉向九嘆思古錯權衡而任意與側叶  
後漢崔駰大理箴無遂爾意與殛叶隸釋博陵太守  
孔彪碑邈矣意與極息叶

記居吏切按古有上聲當與止部並收

逸周書允文解允文惟記與在賄叶魏崔琰述初賦  
聽大猷之篇記與止叶

八未

畏於胃切按古有平聲當與微部並收

詩將仲子篇亦可畏也與懷叶東山二章伊可畏也  
與懷叶書臯陶謨天明畏與威叶枚叔七發突怒而  
無畏與隈追叶太元經失贊不知畏也與幾叶  
氣去既切按古有入聲當與物部並收

鬼谷子陰符篇盛神是以德養五氣與術一叶素問  
五常政大論是謂平氣與抑叶

### 九御

御牛倨切按古有上聲當與語部並收

詩黍苗三章我徒我御與旅處叶行葦二章授几有  
緝御與畢叶莊子徐無鬼篇方明爲御與馬野叶文



子道原篇以陰陽爲御與馬叶鬼谷子內捷篇已迎  
而御之與與叶枚叔七發熾服而御與若音叶易林  
遜之豫王良善御與馬矩叶曹植東征橫大江而莫  
御與舉與叶曹丕黎陽作塗潦是御與阻楚叶明帝  
善哉行莫敢當御與土虜叶

著

陟慮切按古有平聲當與魚部並收

詩著一章俟我於著乎而與素華叶靈樞根結篇皮  
膚薄著與虛枯叶

慮

良倨切按古有上聲當與語部並收

許由箕山歌何所却慮與睹苦叶阮籍大人先生傳

萬物死慮與羽土叶易林漸之震凶重憂慮與罪解  
借韵

豫 羊御切按古有上聲當與語部並收

大戴五帝德篇貴而不豫與馬舞叶春秋元命苞豫  
之爲言序也

去 羌舉邱據二切按古有平聲並無上聲當刪語部字  
改入魚部

詩斯干三章鳥鼠攸去與除芋叶左僖十五千乘三  
去與餘狐叶素問脈要精微論蟄蟲將去與餘膚叶  
漢劉章耕田歌鋤而去之與疏叶武帝悼李夫人賦  
遂荒忽而辭去與曙叶淮南俶眞訓事其神者神去

之與居衢叶易林比之革中道分去與夫孤叶噬嗑  
之臨欲呼伯去與廬叶賁之震雖驅不去與廬叶大  
畜之小過中道別去與車輿叶咸之噬嗑利弃我去  
與華魚叶蒙之既濟身死魂去與溝廬通韵解之比  
鷹飛退去與雛乎通韵鼎之震幾不得去與猗珠通  
韵賁之睽凶言消去與朝合韵蒙之乾飛鷹退去與  
雛居合韵咸之困雄父飛去與雛合韵屯之渙中年  
分去與袍思借韵

倨

居御切按古有平聲當與魚部並收

莊子山木篇君無形倨與居車叶吕覽權勳篇貴爲

天子而不驕倨與夸叶文子符言篇奢泰驕佚慢倨

與餘叶

助牀據切按古有上聲當與語部並收

詩雲漢四章則不我助與顧

音祖叶烝民六章愛莫

助之與舉補叶文子符言篇地助之與與輔叶太元  
經翁贊朋友助也與舉輔叶

十遇

賦方遇切按古有上聲當與庚部並收

詩烝民二章明命是賦與若

音汝叶禮郊特牲然後簡

其車賦與伍社叶呂覽樂成篇子產賦之與貯與叶

十一暮

路洛故切按古有上聲當與姥部並收

素問陰陽應象大論陰陽之道路也與下女叶班固  
燕然山銘序雪輻蔽路與武叶

顧古暮切按古有上聲當與姥部並收

詩日月一章寧不我顧與土處叶葛藟一章亦莫我  
顧與濟父叶碩鼠一章莫我肯顧與女土叶伐木二  
章微我弗顧與荇父叶雲漢四章靡瞻靡顧與所助  
音楚叶穆天子傳古文三而不可稱顧與野處叶漢章  
賢諷諫詩執憲靡顧與土叶古今樂錄許由箕山歌

蓋不眴顧與土祖叶易林師之小過鄰不我顧與女  
者叶蔡邕弔屈原文執轡忽而不顧與補叶三國志  
魏文帝紀靡瞻靡顧與父土叶魏繆襲喜舞賦曾棗  
盛之弗顧與祐屬叶

固 全上

墨子尙賢中若地之固與普下叶易林旅之咸十年  
牢固與柱處通韵

悟 五故切按古有上聲當與姥部並收

荀子成相篇不覺悟與苦下叶劉向九嘆思古冀靈  
修之一悟與古叶參同契法象成功章心靈本自悟

與睹戶叶

步薄故切按古有上聲當與姥部並收

說苑君道篇脛大于股者難以步與把叶易林坎之  
需狗冠難步與所叶馬融廣成頌裴回安步與籟畧  
叶

十二霽

濟子禮子計二切按古有平聲當與齊部並收

大戴五帝德篇斂給克濟與回叶班固幽通賦窮與  
達其必濟與階懷叶春秋說題辭濟之爲言齊也

十三祭

歲 相銳切按古有入聲當與薛部並收

詩七月一章何以卒歲與烈褐叶生民七章以興嗣  
歲與輟烈叶春秋繁露天地之行篇所以成歲也與  
殺叶淮南齊俗訓一衣不可以出歲與發叶魏郭遐  
叔贈嵇康詩窮年以卒歲與忽越通韵

制 征例切按古有入聲當與薛部並收

莊子在宥篇于是乎斲鋸制焉與殺決叶後漢書崔  
駰傳天地初制與設滅叶何晏景福殿賦竝列宿而  
作制與臬叶浙水之浙一作澗

斲 毗祭切按古有入聲當與薛部並收



文子道原篇齒堅于舌而先斃與折裂叶易林乾之

大壯胡亥以斃與折罰叶

世舒制切按古有入聲當與薛部並收

詩蕩八章在夏后之世與揭撥叶繁露天之行篇  
所以成世也與罰叶三國志蜀楊戲關張贊出身匡  
世與烈發叶班固東都賦盛哉乎斯世與畢說通韵  
厲力制切按古有入聲當與薛部並收

詩匏有苦葉深則厲與揭叶正月八章胡然厲矣與  
結滅通韵魏劉邵趙都賦洪波漂厲與越叶

# 十四泰

害

胡蓋切按古有入聲當與曷部並收

詩四月三章我獨何害與烈發叶蕩八章枝葉未有  
害與揭撥叶生民二章無災無害與月達叶召旻六  
章溥斯害矣與竭叶老子任爲篇此兩者或利或害  
與殺活叶素問刺禁論藏有要害與察叶

十五卦

隘

烏懈切按古有入聲當與麥部並收

楚詞離騷路幽昧以險隘與續叶荀子知賦此夫安  
寬平而危險隘者邪與狄敵叶春秋元命苞益之爲  
言隘也

十六怪

戒古拜切按古有入聲當與德部並收其去聲當入代部

詩六月一章我是用急鹽鐵論引作戒采薇六章豈  
不日戒與服棘叶常武一章既敬既戒與國叶易震  
象傳畏鄰戒也與得叶楚詞九章惜往日微霜降而  
下戒與得叶管子樞言篇能戒乎與敕伏叶孫子九  
地篇不修而戒與得叶

壞胡怪切按古有平聲當與皆部並收

書大禹謨俾勿壞與威叶禮記檀弓梁木其壞乎與  
頽萎叶枚乘七發遇者死當者壞與陽追叶

十八隊

背補昧切按古有入聲當與德部並收其去聲當入代部

詩行葦四章黃耆台背與翼福叶膽卽四章譖始竟

背與忒極叶桑柔十五章職涼善背與極克叶

晦荒內切按古有上聲當與海部並收

詩風雨三章風雨如晦與已喜叶文子自然篇明而

復晦與始叶易林井之豐天下昏晦與起叶

佩蒲昧切按古有平聲當與哈部並收其去聲當入代部

詩子衿三章青青子佩與思來叶渭陽二章瓊瑰玉

佩與思叶楚詞離騷紉秋蘭以爲佩與能叶折瓊枝

以繼佩與詒叶

十九代

代 徒耐切按古有入聲當與德部並收

素問寶命全形論不可更代與惑賊叶太元經磬測  
莫之代也與得賊叶更贊一歲見代與德叶元文新  
故更代與極勅叶

載 作亥作代二切按古有入聲當與德部並收

詩出車一章謂之載矣與牧棘叶正月十一章不輸  
爾載與輻叶縣五章束版以載與直翼叶大東二章  
亦可載也與息叶旱麓四章騂牡旣載與福叶莊子

則陽篇言默不足以載與直默叶隸釋冀州從事張  
表碑雅藝攸載與稷叶漢書敘傳武帝紀疇咨熙載  
與作借韵易林泰之解坤厚地載與直叶

闕 五漑切按古有上聲當與海部並收

漢郊祀歌天門章專精厲意遊九闕與海叶淮南天  
文訓亥者闕也

### 二十廢

廢 方肺切按古有入聲當與月部並收

管子內業篇飽而不廢與末竭叶呂覽孝行篇子弗  
敢廢與殺闕叶太元經聚測禮不廢也與呌絕叶易

林遯之大壯官職無廢與列叶漢書禮樂志郊祀歌  
續舊丕廢與殺叶

### 二十一震

震章切按古惟讀平聲並無去聲當改入文部

揚雄兗州牧箴不恐不震與晨殷叶漢書敘傳衛霍  
贊電擊雷震與軍紘叶班固答賓戲聞之者響震與  
雲門叶班固東都賦憑怒雷震與文雲叶崔駰大將  
軍西征賦武鼓鏗而雷震與雲叶蔡邕篆勢龍躍鳥  
震與緇雲叶白虎通五行篇辰震也揚雄趙充國頌  
是討是震與臣軍通韵太元經止測還自震也與鄰

通韵元圖與物旁震與天元通韵陳琳武軍賦鼓角  
並震與原昏通韵班固西都賦鼓吹震與天淵通韵  
東都賦邱陵爲之搖震與山屯通韵崔瑗北軍中候  
箴闕然奮震與臣人通韵馬融廣成頌韓昏不聞雷  
霆之震與淵佃通韵大司農鮑德誅是懼是震與鄰  
頻通韵蔡邕李子材銘威不能震與欣仁通韵三國  
志魏文帝紀九壤披震與鄰臣通韵何晏景福殿賦  
聲訇礮其若震與陳茵通韵曹植魏文帝誅如雷如  
震與陳辰通韵應瑒西狩賦雷鼓天震與陳分通韵  
崔駰七依隱隱震震與屯人通韵隸釋帝堯後碑聲



隱口震與官麟通韵酸棗令劉熊碑鶴鳴一震與爻  
勳通韵吳韋昭鼓吹曲虎臣勇氣震與親開通韵

信

息音切按古惟讀平聲至漢人乃開讀去聲當與真部並收

詩擊鼓五章不我信兮與洵叶蠨蛸三章大無信也  
與姻命叶揚之水三章人實不信與薪人叶采苓一  
章苟亦無信與苓巔叶節南山四章庶民弗信與親  
叶易襍卦傳中孚信也與親新叶老子易性篇與善  
信與淵仁叶虛心篇其中有信與真叶管子正篇能  
服信乎與新人叶七臣七主篇故善言可惡以自信  
與親叶逸周書太子晉解分任諸侯而敦信與人叶

莊子列禦寇篇而不知不信與民神叶孫子九地篇  
不令而信與親叶國策蘇秦連橫篇行義約信與親  
叶呂覽貴信篇信而又信與身天叶史記龜策傳德  
厚而忠信與賢人叶越絕書外傳術士不信與津賢  
叶班固幽通賦苟無實其孰信與真叶班昭東征賦  
祐貞良而輔信與人神叶後漢書馮衍傳七十說而  
乃信與親叶張衡傳敗金滕而乃信與真身叶嵇康  
琴賦尾生以之信與身仁叶魏傳遐皇初頌揆四時  
以立信與人神叶管子勢篇可以奮信與先通韵韓  
非揚權篇孰敢不信與刑成通韵呂覽慎行篇久而

相信與親程通韵文子精誠篇不言而信與真成通  
韵符言篇其中有信與情真通韵尚德篇大人之言  
必有信與真情通韵列女傳晉范氏母頌貴德尚信  
與仁分通韵太元經飾贊君子否信與根通韵新語  
輔政篇美言似信與貞真通韵淮南修務訓是謂至  
信與親情通韵太元經飾測密而信也與貞人通韵  
易林晉之解聞言不信與形通韵班固答賓戲匪詞  
言之所信與根勳通韵漢書敘傳蕭曹贊包漢舉信  
與勳軍通韵張陳王周贊毆致越信與門君通韵霍  
光金日磾贊虔恭忠信與孫通韵後漢胡廣綬笥銘

文章日信與珍臣通韵李尤孟津銘赤符以信與津  
殷通韵蔡邕文恭侯胡公碑頌思順履信與純門通  
韵阮瑀止欲賦乃抑情以自信與紛晨通韵列女傳  
齊桓魏姬頌忠欵誠信與身焉合韵揚雄元后誄以  
育貞信與人蘭合韵

刃

而震切按古有平聲當與文部並收其去聲當入問部

文子道原篇其兵鈍而無刃與文叶太元經衆贊兵  
無刃與陳溫通韵衆測不血刃也與民通韵

鎮

陟刃切按古惟讀平聲並無去聲當收入眞部

楚詞九章抽思覽民尤以自鎮與人叶後漢書馮衍

傳覽聖賢以自鎮與乎叶隸釋平都相蔣君碑社稷  
之鎮與均年叶衛尉恒方碑邊民是鎮與民身叶枚  
乘奏諫吳王係方絕又重鎮之與驚通韵蔡邕胡太  
傅碑銘邦家之鎮與倫通韵春秋說題辭天之爲言  
鎮也

慎  
時刃切按古有平聲當與眞部並收

管子正篇能守慎乎與新人叶嵇康琴賦萬石以之  
訥慎與仁信叶易林賁之蹇輶輶慎慎與根恩通韵  
進  
卽刃切按古有平聲當與眞部並收

易襍卦傳需不進也與新親叶太元經進首陽引而

進與溱前合韵

二十二稊

順 食閏切按古有平聲當與諄部並收

莊子天地篇同乎大順與糴昏叶太元經馴首陰氣  
大順與根叶易泰彖傳內健而外順與人通韵班固  
竇車騎北征頌拓幾畧之所順與仁信叶博雅釋親  
孫順也

二十三問

汶 亡運切按古有平聲當與文部並收

楚詞漁父受物之汶汶者乎與塵叶古今樂錄卞和

退怨歌沂水滂沛流于汶與分怨音寬通韵隸釋樊毅

修華嶽碑決江開汶與臻民通韵

訓許運切按古有平聲當與文部並收

周頌烈文四方其訓之與人刑合韵隸釋楚相孫叔

敖碑迺發嘉訓與仁敬音經合韵帝堯碑五品同訓與

文蠻通韵

運王問切按古有平聲當與文部並收

列子力命篇天道自運與分叶枚乘七發兵車雷運  
與紛先叶揚雄元后誅以度厄運與艱叶書大禹謨  
帝德廣運與神文通韵劉歆遂初賦璣衡爲之難

與漬通韵漢書敘傳高紀贊乘彙而運與秦民通韵  
蔡邕述行賦思逶迤以東運與文欣叶淮南主術訓  
環復轉運與端通韵春秋說題辭雲之爲言運也

二十五願

獻許建切按古有平聲當與元部並收

詩匏葉二章酌言獻之與燔叶列女傳晉驪姬頌或  
亂晉獻與權叶班固十八侯贊鄺商刎頸自獻與刊  
叶

憲許建切按古惟讀平聲並無去聲當改入元部

書說命監於先王成憲與愆叶詩六月五章萬邦爲



憲與閑原叶桑扈二章百辟爲憲與翰難叶板二章  
無然憲憲與難叶崧高七章文武是憲與嘽翰叶揚  
雄交州牧箴敢告執憲與難乾叶

二十六恩

悶莫困切按古有平聲當與魂部並收

老子異俗篇我獨悶悶與昏叶順化篇其政悶悶與  
醇叶

遜徒困切按古有平聲當與魂部並收

詩雲漢五章寧俾我遜與熏聞叶三畧上姦雄乃遜  
與賢通韵

二十九換

漫 莫半切按古有平聲當與桓部並收

荀子正名篇長夜之漫漫兮與騫憊叶班彪北征賦  
遵長夜之漫漫與藩魯叶李尤德陽殿賦連璧組之  
潤漫與蜺叶

三十諫

諫 古晏切按古有上聲當與潛部並收

詩民勞五章是用大諫與糴反叶板一章是用大諫  
與管痺叶易林比之家人不深受諫與淺叶

慢 莫晏切按古有平聲當與刪部並收

荀子正名篇太古之不慢兮與漫審叶文子下德篇  
職事不慢也與干安叶

患

胡慣切按古惟讀平聲當改入刪部

韓非揚權篇凡人之患與端叶三畧下累世受患與  
安殘叶文子符言篇黔首之患與山前叶下德篇卽  
終身無患與關叶賈誼鵬鳥賦又何足患與搏叶劉  
歆遂初賦釋叔向之飛患與原叶史記龜策傳王其  
無患與閒山叶或美好佳麗而爲衆人患與官言叶  
寶者無患與山言叶淮南本經訓而無蹟蹈之患與  
連山叶楚詞九章抽思衆果以我爲患與聞通韵揚

雄長楊賦金革之患與珍然通韵文王拘幽操且解  
大患兮與昆通韵易林字凡百餘見並讀平聲漢魏  
詩文集亦並讀平聲不備錄 按此字惟家語觀周  
篇無多事多事多患與敗通韵文子微明篇凡人皆  
輕小害易微事以至于大患與敗廢通韵讀去聲餘  
無讀去聲者

三十二霰

眩 黃絢切按古有平聲當與先部並收

馬融廣成頌離朱目眩與謹昏通韵蔡邕隸勢心亂  
目眩與天原通韻

旬 堂線切按古惟讀平聲並無去聲當改入先部

詩信南山一章維禹旬之與田叶韓奕一章維禹旬

之與命

命字詩易皆讀平聲

叶魏劉邵龍瑞賦來遊郊旬與仁

叶

三十五笑

笑

私妙切按古有不聲當與宵部並收

詩板二章勿以為笑與囁堯叶易萃初六一握為笑

與號叶旅上九旅人先笑與巢咷叶史記趙世家秦

為笑與號毛叶龜策傳而為天下笑與高驕叶揚雄

兗州牧箴豈復能笑與朝叶長楊賦士有不談王道

則樵夫笑之與區濡通韵易林蹇之萃嬰兒喜笑與  
游憂通韵大有之咸爲人所笑與狐合韵噬嗑之豫  
爲人所笑與狐妖合韵噬嗑之困自爲作笑與夫合  
韵大有之兌與福喜笑與期合韵

三十九過


挫則卧切按古有平聲當與戈部並收

莊子山木篇廉則挫與離虧叶墨子親士篇銛者必  
先挫與靡叶淮南時則訓銳而不挫與阿和叶

貨呼卧切按古有平聲當與戈部並收

老子立戒篇身與貨孰多貨多爲句中韵不貴難得

唐韵四聲正

去聲

挫貨稼暇化

五十六

之貨與過爲叶

四十禡

稼古訝切按古有上聲當與馬部並收

詩曾孫之稼與庚通韵易林豐之未濟生我禾稼與  
雨樹通韵需之艮黍稷禾稼與造稿合韵

暇胡駕切按古有上聲當與馬部並收

詩伐木三章迨我暇矣與舞湄叶何草不黃三章朝  
夕不暇與虎野叶

化呼霸切按古惟讀平聲唐韵正已詳不更錄

按此字惟楊雄博士箴莫大于施化與易通韵後漢

傳幹皇后箴日新其化與愛內合韵作去聲讀餘無  
讀去聲者

四十一漾

讓人樣切按古有平聲當與陽部並收

詩角弓四章受爵不讓與方亡叶禮記禮運型仁講  
讓與常殃叶管子弟子職篇對客毋讓與行叶荀子  
成相篇堯舜尙賢身辭讓與相王叶文子上德篇謝  
之與讓與芳明叶大戴狸首詩既順乃讓與常堂叶  
史游急就章崔孝讓與桑莊叶文子精誠篇卽下貪  
功而无讓與量功通韵隸釋譙旆碑銘是用遜讓與



揚京叶郭仲奇碑手足之讓與榮長通韵曹操對酒  
詩咸禮讓與良訟通韵

愴

初亮切按古有平聲當與陽部並收

禮記祭義焄蒿悽愴與上明叶隸釋外黃令高彪碑  
銘皇朝愴愴與聲魂借韵長史武班碑銘士女悽愴  
與傷亡叶王逸九思哀歲感時兮悽愴與穰章叶

障

之亮切按古有平聲當與陽部並收

呂覽勿躬篇而意不可障與光行叶淮南主術訓所  
以自障與明聰通韵漢書李尋傳不蔽障與行光叶  
帳

丑亮切按古有平聲當與陽部並收

漢書外戚傳汙沫惆悵與傷叶張衡四愁詩路遠莫致倚惆悵與傷叶

上時亮時兩二切按古有平聲當與陽部並收

詩宛邱一章宛邱之上兮與湯望叶桑中一章送我乎淇之上矣與鄉姜叶大明一章赫赫在上與王方叶易比象傳以從上也與傷叶頤象傳順以從上也與光慶叶晉彖傳明出地上與明行叶睽象傳火動而上與行明叶損象傳損下益上與行亨叶萃象傳未安上也與當光叶中孚象傳絕類上也與當長叶小過象傳已上也與長亢叶禮記禮運知氣在上與

藏鄉叶左文二勇則害上與堂叶楚詞九歌湘夫人  
睂何爲兮木上與望張叶管子侈靡篇一人積之上  
與常叶度地篇犬其下小其上與旁行叶逸周書太  
子晉解何以爲上與方叶鵬冠子王鈇篇時典最上  
與章昌叶素問調經論氣并于上與忘叶阮籍大人  
先生傳地常在上與常叶管子七臣七主篇以是傷  
上與攻通韵度地篇天氣下地氣上與通通韵文子  
上德篇天氣下地氣上與同亡通韵而欲爲民上與  
叢翔通韵家語觀周篇民害其上與人合韵 按此  
字惟周語引諺民惡其上與網叶讀上聲老子元用

篇知不知上與病叶讀去聲餘無讀上去者

脫許訪切按古有平聲當與陽部並收

詩彤弓一章中心脫之與藏饗叶左傳十五亦無脫也與筐相叶楚詞九章悲回風更統世以自脫與章明叶

壯側亮切按古有平聲當與陽部並收

爾雅釋天八月爲壯與相陽叶易林鼎之蹇萬物茂壯與長叶

### 四十二宕

抗苦浪切按古有平聲當與唐部並收

詩賓之初筵一章大侯旣抗與張叶後漢書蔡邕傳  
非一勇所抗與防湯叶李尤屏風銘霧露是抗與方  
常叶

葬

則浪切按古有平聲當與唐部並收

莊子山木篇其死可葬與行方叶荀子禮賦死者以  
葬與明常叶漢書酷吏傳死後復何葬與場叶淮南  
齊俗訓故朝死而暮葬與喪叶說苑敬慎篇死而不  
葬與桑霜叶史記龜策傳身死不葬與卽行叶東方  
朔七諫沈江子胥死而不葬與藏行叶越絕書計倪  
內經不能相葬與彊桑叶按此字惟漢書敘傳楊

胡朱梅云贊王孫羸葬與建迺斬將叶作去聲讀餘  
無讀去聲者

伉 苦浪切按古有平聲當與唐部並收

詩縣三章高門有伉與將行叶後漢書張衡傳疇可  
與手比伉與霜亡叶張衡西京賦莫之敢伉與睚叶

### 四十三映

敬 居慶切按古有平聲當與庚部並收

詩閔予小子夙夜敬止與庭叶文子符言篇則下尊  
敬與正寧叶逸周書周祝解民乃敬與刑爭叶隸釋  
孫叔敖碑勤勤愛敬與仁通韵

慶

邱敬切按古讀平聲當入陽部已見唐韵正不更錄

按此字惟易林節之復國猶未慶與境叶作去聲讀餘無讀去聲者

命

眉病切按古有平聲當與真庚二部並收

詩蝦蟇三章不知命也與姻信叶采菽三章天子命之與申叶嘉樂一章保祐命之與人申叶卷阿八章惟君子命與天人叶江漢五章于周受命與田年叶書泰誓降黜夏命與民天叶禮記禮運殺以降命與身天叶荀子臣道篇天有大命國有大命與人身叶易乾彖傳各正性命與天貞叶革彖傳湯武革命與

成天叶莊子天運篇調之以自然之命與聲生叶天地篇且然無閒謂之命與名形叶秋水篇無以故滅命與天名叶孫子虛實篇故能爲敵之司命與形聲叶韓非揚權篇人有天命與形精叶因稽而命與生情叶孔臧諫格虎賦殘天民命與廷叶列女傳晉羊叔姬頌以窮其命與正爭叶繁露深察名號篇名之爲言鳴與命也漢書禮樂志郊祀歌邁成厥命與榮聽叶太元經中贊大受性命與因叶易林同人之觀乾坤所命與天叶樂府王子喬篇悲吟皇帝延壽命與年叶吳越春秋大夫種祝辭救活民命與親叶隸



釋北海相景君銘授以符命與神親叶曹操善哉行  
未必思命與仁叶

病

皮命切按古有平聲讀皮羊切當與陽部並收

老子立戒篇得與亡孰病亡病爲句中韵家語六本  
篇良藥苦口而利于病與行昌叶莊子達生篇中身  
當心則爲病與忘叶素問至真要大論得標之病與  
方叶靈樞刺節真邪篇出遊不歸乃無病與蒼叶文  
子符言篇惟聖人知病之爲利利之爲病與傷殃叶  
易林井之否君子疾病與殃叶太元經更贊以作病  
與更

音

叶揚雄解嘲不亦病乎與皇龍通韵

四十五勁

政之盛切按古有平聲當與清部並收

書大禹謨德惟善政與民通韵鶚冠子王鈇篇故莫  
弗以爲政與生叶孔臧諫格虎賦莫恤國政與廷命  
鳴音叶揚子法言重黎篇羸擅其政與營叶管子四稱  
篇生奪之政與令矜叶

聖式敬切按古有平聲當與清部並收

文子符言篇治在道不在聖與爭叶淮南齊俗訓不  
得其清明元聖與人令通韵說苑正諫篇君受諫者  
聖與平正叶

性息正切按古有平聲當與清部並收

莊子天地篇各有儀則謂之性與形命叶文子上禮  
篇不失其性與營叶呂覽勿躬篇安育其性與情成  
叶列女傳晉羊叔姬頌察于情性與正爭叶新語道  
基篇不奪物性與精生叶淮南俶真訓內守其性與  
營情叶太元經元規天性也與情絝叶文子下德篇  
夫縱欲失性與正身通韵無以反性與身人通韵

姓同上

詩杕杜二章不如我同姓與菁畹叶吳越春秋句踐  
入臣外傳撫慰百姓與親通韵

盛藥盛之盛平聲茂盛之盛去聲按古茂盛之盛亦讀平聲

韓非揚權篇萬物皆盛與寧命叶史游急就章無不  
容盛與令寧叶韋元成戒子孫詩我熙我盛與慶音  
通韵易林明之蒙美風隆盛與人通韵漢書律厯志  
大盛于丁

四十六徑

定徒徑切按古有平聲當與青部並收

詩節南山六章亂靡有定與生寧叶江漢二章王國  
庶定與平爭叶禮記樂記天下大定與正聲叶六韜  
文韜柔節先定與爭正叶韓非主道篇令事自定也

與命情叶文子道原篇味者甘立而五味定矣與形  
成叶易林履之大畜莫能有定與爭叶恒之大過不  
知所定與平叶淮南原道訓舒安以定與爭叶主術  
訓上煩擾則下不定與爭叶

佞乃定切按古有平聲當與眞青二部並收

國語晉人誦惠公佞之見佞與田叶繁露立元神篇  
以參忠佞與人情通韵三國志蜀郤正傳棄直就佞  
與矜經叶

四十七證

證諸應切按古惟讀平聲當入蒸部

嵇康琴賦宮徵相證與應興叶管子心術下知遠之  
證與心通韵太元經從測自然證也與明借韵易林  
離之未濟不能定證與鄉訟借韵參同契乾坤設位  
章原理爲證與明光借韵聖人上觀章推度效符證  
與中容合韵

四十九宥

佑 于救切按古有平上二聲當與尤有二部並收

易林夬之乾悅以獲佑與謀殊借韵蒙之坤天之所  
佑與家借韵 以上平聲

屯之大畜拜受錫佑與已狩 音通韵大有之明夷受

德之佑與咎通韵復之姤雖禱不佑與紂祀通韵困  
之渙公哲蒙佑與敏借韵

以上上聲

祐

同上

易林夫之離樂我嘉祐與酒老通韵歸妹之遯封受  
福祐與抱考通韵損之噬嗑萬邦蒙祐與女兩借韵  
萃之頤陰制福祐與下處借韵

救

居祐切按古有平聲當與尤部並收

詩谷風四章匍匐救之與游求叶大戴武王踐祚記  
溺于人不可救也與游叶曹丕煌煌京洛行禍卒不  
救與謀叶吳越春秋河上歌同憂相救與流叶

狩

舒救切按古惟讀上聲並無去聲當改入有部

詩叔于田二章叔于狩與酒好叶駟鐵一章從公于  
狩與阜手叶車攻二章駕言行狩與阜草叶易林解  
之同人駕行出狩與牡酒叶姤之未濟逢禹巡狩與  
已祉通韵升之睽王喜巡狩與喜殆通韵班固答賓  
戲孔終篇于西狩與仕表通韻大過之巽仲春巡狩  
與后所借韵

獸

同上

左襄四冒于原獸與擾牡叶易林遯之家人三夫執  
獸與咎叶益之渙下无走獸與鳥叶司馬相如封禪



頌犧雙觥共觥之獸與沼通韵馬融長笛賦魚鼈禽獸與鄙駭通韵

臭 尺救切按古有平聲當與尤部並收

詩文王八章無聲無臭與孚叶左僖四十年尙猶有臭與猶叶

舊 巨救切按古有上聲當與有部並收

詩召旻七章不尙有舊與里叶白虎通三綱六紀篇舅舊也漢書敘傳魏田韓傳贊易惟其舊與朽帛叶後漢崔瑗郡太守箴焚典紀舊與守叶

富 方副切按古有入聲當與屋部並收

管子四稱篇收聚以忠而大富之與稷力叶易林比  
之臨府藏之富與貸得叶

### 五十候

候

胡遵切按古有平聲當與候部並收

易林困之蠱欲有望候與虛扶通韵孝經援神契候  
之爲言候也

茂

莫侯切按古有上聲當與厚部並收

詩還二章子之茂兮與道牡叶南山有臺四章德音  
是茂與栲栳叶周頌良耜黍稷茂止與朽叶召旻四  
章草不潰茂與止通韵韓非揚權篇毋使枝茂與道

叶司馬相如上林賦實葉稜茂與抱叶淮南俶真訓  
然後知松柏之茂也與道叶天文訓則茂茂然與卯  
叶易林履之歸妹黍稷盛茂與稻叶謙之解草木嘉  
茂與稟有通韵大過之需枝葉盛茂與子母通韵艮  
之謙庶物蕃茂與咎祉通韵恒之晉年豐大茂與女  
戶借韵說苑說叢篇灌其本而枝葉茂與厚道合韵  
班固幽通賦柯葉蘖而零茂與道叶敘傳王子侯表  
贊支葉碩茂與子祉通韵張衡西京賦馨烈彌茂與  
久朽通韵後漢書馮衍傳林冥冥而暢茂與友通韵  
曹操步出夏東門行百草豐茂與峙起通韵曹丕寸

五詩草之盛茂與有紀通韵宋玉笛賦美風洋洋而  
暢茂兮與保楚借韵隸釋執金吾武榮碑銘資才卓  
茂與武旅借韵白虎通五行篇卯者茂也

戊 全上

詩小雅吉日維戊與禱好叶易林家人之大壯以喪  
其戊與子通韵

五十六橋

僭 子念切按古讀子音切當改入侵部

詩鐘鼓四章以樂不僭與欽琴叶抑九章覆謂我僭  
與心叶

入聲

一屋

福 方六切按古有去聲當與宥部並收

詩楚茨一章以介景福與祀侑叶大田四章文同旱  
麓四章以介景福與備祀叶周頌潛與祀叶

祿 盧谷切按古有去聲當與候部並收

詩楚茨六章以綏後祿與具奏叶易林需之乾身受  
利祿與遇叶升之履臣多榮祿與遇叶

軸 直六切按古有平聲當與尤部並收

詩清人三章清人在軸與陶抽叶易林觀之小畜折

損轅軸與駒期合韵需之革摧折兩軸與溝瀍合韵  
玉 魚欲切按古有去聲當與遇部並收

文子上德篇故與弱者金玉與素通韵易林訟之蠱  
絲布爲玉與蠹絡通韵

三燭

欲 余蜀切按古有去聲當與遇部並收

文子道原篇除其貴欲與慕慮通韵淮南主術訓供  
養其欲與聚數叶繆稱訓欲知人道從其欲與數樹  
叶揚雄校獵賦騁嗜奔欲與趣叶詩文王有聲三章  
匪棘其欲與孝合韵易林家人之臨節情省欲與度

富合韵

慾

同上

呂覽大樂篇必節嗜慾與具務叶張衡東京賦滌鑒  
餐之貪慾與喻驚叶

四覺

學

胡覺切按古有去聲當與效部並收

漢書敘傳匡張孔馬贊古之文學與衷叶後漢書傅  
毅傳誨我博學與誥叶禮記禮運篇三老在學與廟  
通韵後漢書敘傳公孫卜倪贊東髮脩學與試治通  
韵

月音四產工  
斲竹角切按古有去聲當與候部並收

呂覽貴公篇大匠不斲與豆鬲叶何晏景福殿賦匠石不知其所斲與附注叶

### 五質

實神質切按古有去聲當與至部並收

鬼谷子捭闔篇以求其實與利示叶後漢書杜篤傳蔬果成實與類漑叶易林否之萃不復所實與敗通韵易泰象傳皆失實也與願亂合韵蒙象傳獨違實也與順與合韵

疾秦悉切按古有去聲當與至部並收



詩抑一章亦職爲疾與戾叶瞻卬一章蝨賊蝨疾與  
屈叶素問調經論以出其疾與閉叶易林豫之隨山  
崩爲疾與內叶

失式質切按古有去聲當與至部並收

文子自然篇上下不失與二叶王褒洞簫賦曄曄逸  
豫戒其失與懟氣叶說苑說叢篇多言多失與勢器  
叶太元經夷測疏不失也與內叶闕測內相失也與  
二叶三國志蜀郤正傳違不以失與懟悸叶

室同上

易林大過之豐陰棄其室與墜叶大壯之豐復生歸

室與沸潰叶淮南本經訓大構駕興宮室與幹合韵  
日人質切按古有去聲當與至部並收

古詩爲焦仲卿妻作良吉三十日與內叶魏曹植七  
啟熙天耀日與類叶

八物

紱分物切按古有去聲當與未部並收

張衡西京賦懷璽藏紱與遂貴叶後漢書蔡邕胡廣  
頌七佩其紱與位轡叶邯鄲淳魏受命述納璽要紱  
與類棣叶

物文弗切按古有去聲當與未部並收

呂覽有始篇天斟萬物與類叶太元經元掄人人物  
物與彙叶元圖矩靜安物與類貴叶老子贊元篇復  
歸于無物與昧叶阮籍東平賦樹之表物與氣叶後  
漢潘勖尚書令荀彧碑仁恕以察人物與外費通韵

十月

發 方伐切按古有去聲當與廢部並收

易坤象傳以時發也與大害叶詩烝民三章四方爰  
發與舌外叶漢桓麟七說滿不空發與外叶素問寶  
命全形論木敷者其葉發與敗噦叶魏劉邵七華迅  
驅機發與制月叶

越王伐切按古有去聲當與廢部並收

呂覽士容論臨患涉難而處義不越與害大叶曹植

王仲宣誄孰先隕越與計逝叶責躬詩奮戈吳越與

戾通韵

謁於歇切按古有去聲當與廢部並收

家語子路初見篇彼婦之謁與敗歲叶揚雄廷尉箴

敢告執謁與奈敗叶

十一沒

突陀骨切按古有去聲當與怪部並收

馬融長笛賦奔遞礪突與渾戾叶魏應瑒奕勢力行

唐突與退潰叶

十二曷

達 唐割切按古有去聲當與泰部並收

新語術事篇下學上達與大叶易林小畜之睽茅蘖  
生達與外叶恒之解未能利達與會叶

十三末

脫 徒活切按古有去聲當與夬部並收

詩野有死麕三章舒而脫脫兮與悅犬叶參同契補  
塞遺脫章今更撰錄補塞遺脫與髡逮通韵易林訟  
之大畜憤憤不脫與出位通韵

唐韵四聲正

入聲 達脫拔察

十四點

拔 蒲八切按古有去聲當與泰部同收

詩緜八章柞械拔矣與兌駝叶皇矣三章柞械斯拔  
與兌叶

察 初八切按古有去聲當與泰部並收

易繫辭下傳萬民以察與契叶國語越范蠡語先無  
陽察與蔽蕤叶管子七臣七主篇從狙而好小察與  
勢叶呂覽離俗篇人之所不能察與外賴叶鬼谷子  
損兌篇不可不察與敗叶劉向九歎離世世散亂未  
察與晏通韵班固幽通賦心矇矇猶未察與墜對通

韵馬融長笛賦申韓之祭也與氣制通韵

十六屑

切 千結切按古有去聲當與霽部同收

揚雄長楊賦而客自覽其切焉與內二叶馬融長笛賦絞灼激以轉切焉與肆戾叶

臬 五結切按古有去聲當與祭部並收

張衡東京賦所發無臬與製斃叶王粲遊海賦其廣無臬與際泄叶何晏景福殿賦作無微而或違于水

臬與制叶

穴 胡夾切按古有去聲當與未部並收

馬融長笛賦確投澆穴與潰戾叶曹植七啟室皇明  
于巖穴與屬逝通韵三國志魏文帝誅文甘心同穴  
與斃滯通韵

决

古穴切按古有去聲當與廢部並收

鬼谷子損兌篇威其機危乃爲之决與兌叶太元經  
斷首動而能有斷决與外叶吳越春秋吳僚使公子  
光傳我從是决與世大叶

十七薛

列

力薛切按古有去聲當與祭部並收

易林遯之大壯陳力就列與廢叶禮記禮運篇故事



可列也與勸藝通韵太元經元掇音律差列與氣通韵

折自熱切按古有去聲當與祭部並收

楚詞離騷恐嫉妒而折之與蔽叶呂覽士容篇難動以物而必不妄折與衛鴈叶班固西都賦秦成力折與蹶噓叶劉向九嘆遠逝如被離而折之與蔽叶易林大壯之漸三子俱折與潰快通韵旅之大畜巢成樹折與器追通韵

舌食列切按古有去聲當與祭部並收

詩抑六章莫捫朕舌與逝叶烝民三章王之喉舌與

外發音叶

滅亡薛切按古有去聲當與祭部並收

淮南人間訓禍生而不早滅與大叶曹植平陽公主  
誄神光長滅與歲晰叶詩雨無正二章周宗既滅與  
戾勛通韵

碣渠列切按古有去聲當與祭部並收

後漢書梁竦傳東勅職于蓬碣與瀨父叶隸釋三老  
袁良碑銘才本德曜其碣與父世叶宋玉高唐賦若  
浮海而望碣與會磻叶

竭渠列切按古有去聲當與祭部並收

詩召旻六章池之竭矣與害叶莊子在宥篇而百姓  
竭矣與漫通韵

絕情雪切按古有去聲當與祭部並收

司馬相如哀二世賦宗廟滅絕與世勢叶太元經聚  
測時命絕也與廢吹叶易林豫之復鼓音不絕與敗  
叶

### 十八藥

若而灼切按古有上聲當與語部並收

詩烝民二章天子是若與賦上叶易巽六二用史巫

紛若與下叶三畧上尊卑相若與寡虜叶枚乘七發

掄流波雜杜若與御

上聲

叶漢書郊祀歌使我心若與

下叶易豐六二有孚發若與斗通韵

按此字止有

上入二聲並無去聲顧氏讀烝民詩爲去聲以叶賦  
不知賦字本有上聲也

### 十九鐸

落

盧各切按古有去聲當與暮部並收

逸周書柔武解枝葉維落與居

音倨

叶易林比之旣濟

精神消落與惡蠹叶

鑿

在各切按古有去聲當與號部並收

楚詞九辨六滅規榘而改鑿與教樂叶易林漸之泰

瓦甃不鑿與治合韵

薄

傍各切按古有去聲當與暮部並收

管子內業篇逐淫澤薄與固舍叶內困外薄與舍圖

音度叶呂覽任地篇當時而薄之與慕郅叶

索

蘇各切按古有去聲當與暮部並收

中庸索隱行怪索作素楚詞離騷憑不厭乎求索與

妒叶管子內業篇是故卒乎其如可與索與所音叶素叶

說苑建本篇枯魚銜索與蠹叶太元經元攤陰陽分

索與夜叶

獲

胡郭切按古有去聲當與暮部並收

唐韵四聲正

人聲 薄索獲宅澤逆 五十六

詩六月四章整居焦穫與茹叶王褒僮約五月當穫  
與豆芋通韵

二十陌

宅 楊伯切按古有去聲當與暮部並收

書堯典宅西一作度西文子九守篇故靜漠者神明

之宅與居 音叶淮南精神訓同

澤 同上

韓非大體篇旌旗不亂于大澤與路叶文子道原篇

下地爲潤澤與露叶

逆 左戟切按古有去聲當與御部並收

呂覽任地篇時未至而逆之與慕叶漢書敘傳武五  
子贊燕刺謀逆與詛據叶太元經勤測其道逆也與

輔叶

隙

綺戟切按古有去聲當與御部並收

呂覽任地篇使其民而郊

同隙

之與薄

音捕

暮叶說苑建

本篇忽如過隙與蠹叶

### 二十一麥

獲

胡麥切按古有去聲當與暮部並收

禮記曲禮上毋固獲與箸叶易林蒙之无妄見利不  
獲與兎路叶揚雄校獵賦進退屢獲與脰聚通韵長

楊賦多麋鹿之獲與地庶通韵班固西都賦觀三軍之殺獲與樹藉叶

脈俗作脉莫獲切按古有去聲當與卦部並收

靈樞決氣篇是謂脈與避叶九經十二原篇通其經脈與氣通韵

二十二昔

螫施隻切按古有去聲當與御部並收

老子元符篇毒蟲不螫與據搏音布叶史記淮陰侯傳

蜂蠆之致螫與豫步叶班固西都賦掃亡秦之毒螫與庶叶



二十三錫

敵徒歷切按古有去聲當與寘部並收

老子元用篇仍無敵與臂叶說苑引家語好勝者必  
遇其敵與貴通韻民怨其上作民害其貴易林豐之遞還相克

敵與害合韻

適都歷始石二切按古有去聲當與寘部並收

呂覽下賢篇帝者天下之適也文子符言篇同太元  
經銳測能自適也與避叶淮南本經訓調齊和之適  
與變借韻

二十四職

式賞職切按古有去聲當與志部並收

詩蕩五章不義從式與晦叶崧高二章南國是式與

事叶

匿女力切按古有去聲當與志部並收

荀子成相二章不斂黨與上蔽匿與備忌叶韓非外

儲右上人且匿女與意叶

極渠力切按古有去聲當與志部並收

文子九守篇弗敢極也與事喜叶淮南覽冥訓同

二十五德

德多則切按古有去聲當與代部並收

鬼谷子損兌篇聖人以無爲待有德與事叶淮南要  
畧篇總司神明之德與事叶太元經更贊不終其德  
與代叶漢書外戚傳贊宗文產德與代嗣叶易林頤  
之恒侯王有德與背富叶履之咸君臣合德與哺就  
借韵升之履日中明德與遇借韵

得  
同上

文子上德篇蒙塵而欲無昧不可得與佩富叶自然  
篇无求而得與意備叶易林夬之鼎射鹿不得與事  
叶謙之既濟大蹇不得與到就合韵解之乾所求必  
得與居音具借韵蠱之姤請求不得與怪惡借韵大

畜之節商人有得與兎路借韵咸之履利無所得與  
捕借韵晉之泰賈市有得與步趨借韵夬之鼎射鹿  
不得與據事借韵井之決助有得與兌就借韵小  
過之中孚无有利得與怒居借韵

克 苦得切按古有去聲當與代部並收

詩小宛二章飲酒溫克與富又叶管子四稱篇處軍  
則克與富事叶太元經增贊要不克與戴叶